

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

T 3205/3142.82

9

江都縣志卷之十二

塔佛大學漢和
圖書館珍藏印

試江南揚州府江都縣知縣 陸朝瓊奉

旨編輯

古蹟志

邗溝城

考證左傳吳城邗溝杜預注云今廣陵邗江寰宇

記云城在州西四里蜀岡上

附錄

明陸弼詩一代雄圖收千秋故
堞迷江淮流不盡落日草萋萋

楚子城

金城

考證史記六國表楚懷王十年城 陵陳書大建

江都縣志卷之十二

哈佛大學漢和
圖書館珍藏印

試江南揚州府江都縣知縣臣陸朝璣奉

旨編輯

古蹟志

邗溝城

考證左傳吳城邗溝杜預注云今廣陵邗江寰宇

記云城在州西四里蜀岡上

附錄

明陸弼詩一代雄圖改千秋故
堞迷江淮流不盡落日草萋萋

楚子城

金城

考證史記六國表楚懷王十年城陵陳書大建

江者果元
五年九月左衛將軍樊毅克廣陵子城六年正月廣陵金城降舊志云金城卽楚丁所築外城戰國時楚地最廣奄有豫州之半北魏太和中益宗納土於魏魏爲立東豫州治廣陵城在汝南郡又梁武帝置楚州於汝南郡治楚城按此則毅所克者乃汝南之廣陵其楚子城及金城俱不在江都存以俟考

吳王渙城

考證漢書地理志廣陵爲吳王渙所都城周十四里半按廣陵於春秋時已有城其城仍在邗溝城

前水經注云吳將伐齊北霸中國自廣陵城東南築邗城此明徵也史記項羽本紀召平爲陳王狗廣陵未能下是廣陵城於秦楚之際未毀矣惟水經注云廣陵城楚漢之間爲東陽郡高祖六年爲荊國十一年爲吳城卽吳王渙所築後世遂以渙城與廣陵城爲二然漢書第謂廣陵爲渙所都於築城無明文則水經注所云渙築吳城者或亦修築而都之非別創之謂也三國時魏移廣陵邗淮陰以故城爲邊邑魏主丕嘗幸廣陵故城觀吳主亮亦嘗令衛尉馮朝城廣陵大司馬桓溫

江都縣志 卷一 二
發徐州民築廣陵城徙鎮之宋竟王誕亦城廣陵齊梁陳廣陵為南兗州隋復為廣陵城唐為揚州一名邗州城至五代後始有遷徙改築之事此則廣陵城由春秋迄唐雖通有興築而未嘗易地矣附此以俟博古者考訂之

附錄

唐孟遲廣陵城詩紅遶高樓綠遶城城邊春草傍牆生隋家不向此中盡汴水應無更去聲

張公城

考證方輿輯要云東漢桓帝時廣陵賊張嬰所築郡守張綱單騎造其壘示以恩信嬰降服城因以

名相傳在府西四十里

新城在府城北一十八里非今新城

考證通鑑晉太元十年太保謝安出鎮廣陵之步邱築壘曰新城方輿輯要云宋德祐二年李庭芝固守揚州絕元將餉道博羅歡拔新城以通之卽此

附錄

明歐大任新城詩謝公鎮廣陵甘棠人勿翦君見東山雲何似邵伯塢

蕪城

考證宋竟陵王誕居廣陵亂後城邑荒墟參軍鮑照作蕪城賦傷之遂名名勝志謂蕪城卽古邗溝

城非是

附錄

宋鮑照蕪城賦瀾迤平原南馳蒼梧漲海北
 走紫塞鴈門拖以漕渠軸以崑岡重江復
 之隩四會五達之莊當昔全盛之時車挂轄人
 肩屨開撲地歌吹沸天孳貨鹽田鏹銅山才力
 雄富士馬精研故能侈秦法佚周令崇墉刻溝
 洫圖修世以休命是以板築雄堞之殷并幹烽櫓
 之勤格高五嶽袤廣三墳啐若斷岸矗似長雲製
 磁石以禦衝糊頽壤以飛文觀基扇之固護將萬
 祀而一君出入三代五百餘載竟瓜剖而豆分澤
 葵依井荒葛罨塗壇羅羅虺或堦鬪磨麗木魅山鬼
 野鼠城狐風啤雨嘯昏見晨趨饑鷹厲吻寒鳴嚇
 雛伏虺藏虎乳血餐膚崩榛塞路崢嶸古堠白揚
 蚤落塞草前衰稜稜霜氣簌簌風威孤蓬自振驚
 沙坐飛灌莽杳而無際叢薄紛其相依通池既已
 夸峻隅又以頽直視千里外唯見起黃埃凝思寂
 聽心傷已摧若夫藻扇黼帳歌臺舞閣之基璇淵
 碧樹弋林釣渚之館吳蔡齊秦之聲魚龍爵馬之
 玩皆熏歇燼滅光沉響絕東都妙姬南國麗人蕙

心統質玉貌絳唇莫不埋魂幽石委骨窮塵豈憶
 同輦之愉樂離宮之苦辛哉天道如何吞恨者多
 抽琴命操為蕪城之歌歌曰邊風急兮城上寒井
 徑滅兮邱隴殘千齡兮萬代共盡兮何言唐李
 端詩昔人登此地邱隴已前悲今日又非昔春風
 能幾時風吹城上樹草沒城邊路城裏月明時精
 靈自來去宋劉敞詩春草忽更綠荒城陰霧滋
 風存鮑照賦秋益宋生悲慨想秦兵出傳聞羽檄
 馳江湖歲將晚空羨逐鴟夸嚴羽詩平蕪古堞
 暮蕭條歸思憑高黯未消京口寒烟鴉外滅歷陽
 秋色雁邊遙清江水落長疑雨暗浦風多欲上潮
 惆悵此時頻極目江南江北路迢迢明程格蕪
 城晚望詩木落川原一望開孤城客思轉悠哉帆
 隨斷靄天邊沒鳥帶殘陽樹杪來黃葉疎鐘秋寺
 暝丹楓兩岸暮潮迴憑高欲擬參軍賦愁絕西風
 半草萊吳國倫詩隋隄高閣俯邗溝載酒勸
 賦客遊樹裏鐘聲山寺午簷前雨色海門秋離
 花鳥俱陳迹輦道風沙自古邱二丁四橋何處是
 且乘明月醉揚州顧大猷詩日蕪城門草沒
 蕪城路無復鶴歸年時見烏棲樹邵正魁詩城

頭古堞摧城下新蕪聚風淒落日黃
國朝程徵蕪城感懷詩極目郊
 深處亂啼鶯江山不改千秋色
螢苑蒼涼飄白露雷塘寂寞長青葦相逢但識
 前意懷古休教雪鬢生
元張翥調百字令詞
 天向曉遠雲開疑是江南山色渺渺
獨上高城望極鳳散臺空螢沉苑廢
 英雄安在千秋恨血凝碧
我欲携酒重來佛狸
 祠下字暗蒼苔石社鼓神鴉渾不見
麥夜月瑠枝春風水調肯慰淹留客
 風扶下
 雙舄

舊江都縣城

考證水經注云廣陵之江都縣臨江方輿輯要云
 城在府西南四十里漢縣治此三國時廢晉太康
 六年復置江左時廢時置唐為附郭縣故城圯於

江嘉靖惟揚志以為隋城譌

輿縣城

考證方輿輯要云在府西四十五里縣漢屬臨淮
 郡後漢屬廣陵郡晉因之宋元嘉十三年竝入江
 都縣城毀

本化縣城

考證大觀圖經云隋大業十年分江陽又立本化
 縣於郡南半邏合瀆渠城在郡西北一十八里
 莫考

周小城

考證方輿輯要云周克揚州顯德二年使韓令坤鎮之州故城西據蜀岡北抱雷陂令坤以城大難守築故城東南隅為小城以治之

宋大城

考證揚州舊有大城又有子城亦曰牙城宋名臣言行錄云建炎三年知州郭棣築

寶祐城一名堡城在城西北七里大儀鄉

考證方輿輯要云城週迴一千七百丈遺隍斷塹隱約可尋即隋迷樓故址也宋寶祐四年賈似道奉詔築所謂包平山而瞰雷塘者盛如梓老學叢

談載賈似道築城申省狀畧云此城高深廣袤無異一郡舊名堡城不當用既廢之名今名寶祐城是役也用軍三萬人始於寶祐二年七月十五日限三年正月二十日告成後又築新寶城二城相連名曰夾城

平山堂城

考證宋咸淳五年李庭芝鎮揚州以平山堂瞰州城敵至構望樓於上張弓弩以射城因築城之今圯

舊齊寧縣

考證在府東南六十里南齊永明置縣阮昇之南兖州記云齊建武五年遏艾陵湖水立裘塘屯移縣於萬歲村梁中興元年毀

舊江陽縣

考證北齊增置江陽郡與廣陵郡並治隋初郡廢開皇十八年改縣為邗江大業初更名江陽與江都縣並為郡治唐初江陽縣併入江都貞觀十八年長史李操奏割合瀆渠以東九鄉復立焉五代南唐置東都於揚州省江陽縣入廣陵

舊廣陵縣

考證南唐改江陽縣為廣陵縣宋初因之熙寧五年省南渡後復置元時廢

章臺宮

考證漢書江都王建游章臺宮令四女子乘小船建以足踏覆其船

隋江都宮在城西七里大儀鄉

考證隋書大業元年勅長史王弘大修江都宮四

宮在大內之西北宮在茱萸灣

附錄

隋煬帝江都宮樂歌揚州舊處可淹留臺榭高明復好遊風亭芳樹迴蚤夏長臯麥隴送餘秋淥潭桂楫浮青雀果下金鞍在紫駟碧觴素蟻流霞飲長袖清歌樂戲舟唐鮑溶詩御街行

路客行路悲春風野老幾代人猶井煬帝宮零落
池臺勢高低禾黍中柳塘烟起日斜竹浦風迴
雁弄沙煬帝春游古城在壞宮芳草滿人家
祜隋宮懷古詩廢宮深苑路煬帝此東行往事餘
山色流年是水聲古牆丹雘盡深棟黑煤生惆
從今客經過未了情 杜牧詩龍舟冢下事成空
蔓草萋萋滿故宮亡國亡家為顏色路桃猶自恨
春風 李商隱詩紫泉宮殿鎖烟霞欲取蕪城作
帝家玉璽不緣歸日角錦帆應是到天涯於今腐
草無螢火終古垂楊有暮鴉地下若逢陳後主豈
宜重問後庭花 劉滄詩此地曾經翠輦過浮雲
流水竟如何香銷南國美人盡怨入東風芳草多
殘柳宮前空露葉夕陽江上浩烟波行人遙起廣
陵思古渡月明聞棹歌 金元好問隋故宮行渭
川楊柳先得春二月鶯啼百轉新長春宮中千樹
錦暖日晴雲思煞人君王半醉唱吳歌絳仙起舞
顰翠蛾吳兒謾說曾行樂三十六宮能幾多千秋
萬古金銀闕海沒三山一毫髮繁華夢覺人不知
留得寒蟄泣秋月 元黃庚詩彩鳳樓前汴水流
君王不復錦帆遊長隄舊日青青柳曾帶春風拂

御舟 明孫黃詩伊昔隋家全盛年周陳部曲按
三邊端門徹夜笙歌合琪樹經春錦繡纏經春錦
繡何搖漾別有迷樓九霄上鬪棋連薨次第開珠
簾繡柱森相向樓中美女花葱蘢寫翠圖黃照碧
空璧月瓊花新態度臨春結綺舊丰容碧山螢火
光於電更傍沉香山底宴窈窕清歌來夢兒輕盈
妙舞蓮花旋行樂還來爛漫遊天京移蹕望揚州
高起離宮連鳳闕斜穿汴水入龍舟龍舟錦纜映
牙檣玉簫金管切雲長仙禽自蛻葳蕤羽野鳥還
為鸞鳳翔棹歌楊柳春風晚扇影芙蓉秋露香芙
蓉秋露香飄玉臺榭俄成走麋鹿翠華夢斷雷塘
路鐵馬聲喧太行麓遼東浪死鬼啼道馬上夜遊
誰度曲燕泥時自落空梁庭草無人隨意綠繁華
堪羨更堪憐高冢麒麟若個邊古路斜陽懸木末
寒鴉流水遶邨前荒基遠對唐陵樹斷刻猶在大
業年往事悠悠誰與共臨風為爾一潸然 徐
臯詩八龍東幸駐蕪城隋帝離宮近太清牖下蚤
興公子曲江陽已兆望夸兵荒原渺渺寒烟斷衰
草離離遠水平九曲迷樓何處所石霄空有鳳笙
鳴 梁有譽詩二首李花歌罷益其正是迷樓

縱樂時夜月遼魂哀鐵騎春風淮柳拂鸞旗斗邊
蛇起妖誰識帳裏鵬來事可悲千載故基何事覓
杜鵑啼上野棠枝 藻井雕甍駐綵霞錦帆一去
已無家淒涼夜月樓前舞零落春風仗外花殘燒
繞原碑卧草夕陽依岸柳藏鴉可憐河水滔滔
不識人間有歲華 國朝何嘉延詩古堞荒原啼
亂鴉更無殘碣問隋家一從芳
樹垂垂垂發落盡楊花又李花

臨江宮在楊子津隋離宮也

考證隋書大業十三年二月駕出楊子幸臨江宮
大會賜食

十宮

考證寰宇記云在縣北五里長阜苑內依林傍澗
竦高跨阜隨城形建置竝煬帝立也曰歸雁宮回

流宮松林宮楓林宮大雷宮小雷宮春草宮九華
宮光汾宮九里宮是曰十宮

顯福宮隋城外離宮也

考證隋書武賁郎將麥孟才與武牙郎將錢傑謀
糾合恩舊於顯福宮邀擊宇文化及

楊行密宮

考證方輿輯要云楊吳時故宮在舊子城內南唐
李昇六年遷楊子孫於海陵號其居曰永寧因相
傳行密宮闕在泰州非是

宋徽宗行宮

江都縣志 卷十一 二 古蹟志 九
考證宋靖康元年二月徽宗至揚州吏民乞駐蹕時已定議南渡京口乃留后妃諸王於揚州

宋高宗行宮

考證宋中興繫年錄云建炎元年十月丁巳朔高宗幸淮甸戊午隆祐皇后至揚州入城駐於州治名州之正衙曰車駕巡幸駐蹕之門

元鎮南王宮在城西北六里大儀鄉

考證元史世祖至元二十一年封子脫歡鎮南王於揚州

顯陽殿見漢書廣陵厲王胥列傳

成象殿

考證隋大業雜記云二年煬帝御成象殿元會設燎朝羣臣

凝暉殿

考證隋大業雜記云殿在楊子津臨江宮內大業七年春二月煬帝幸臨江宮百僚集凝暉殿酺戲數日時羽葆初成霜戈花斃羽飾龍旂橫街塞陌二十餘里輝翳雲日前代羽衛無盛此時

水精殿

考證馬縞中華古今注云煬帝於江都宮置水精

殿令宮人戴通天百葉冠子插瑟瑟鈿朶皆垂珠翠披紫羅帔把半月雉尾扇鞞瑞鳩頭履謂之飛仙

章武殿在建隆寺內奉宋太祖御容詳具寺下

崇政殿

考證宋中興繫年錄云建炎二年八月高宗駐蹕揚州州治策諸郡奏名進士於崇政殿蓋借署之名也

崇元殿

先慶殿

英武殿 後改明光

應乾殿 後改垂拱

文明殿 後改乾元

朝陽殿 後改福昌

考證以上見元王士點禁扁竝在揚州皆南唐殿也

宋郊壇

考證宋史建炎二年八月高宗駐蹕揚州將祀天南郊命有司築壇於揚州南門外江都縣之東南而從行無器仗因取之東都十月天子親饗太

廟神主於壽寧寺辛酉上齋於行宮常朝殿壬寅祀上帝於園邱配以太祖用元豐禮也三年正月已丑奉西京會聖宮祖宗御容於壽寧寺中又名勝志云宋郊壇在法雲寺

隋苑在縣西北九里大儀鄉

考證名勝志云大儀鄉有上林苑亦名西苑杜牧之紅霞一抹廣陵春指此按通鑑隋大業元年五月於長安築西苑周二百里則西苑固在長安江都亦稱隋苑為西苑者或沿習長安名之然相傳苑址僅三里與二百里者大小不侔矣

附錄

國朝閔鵬詩西苑築長安周遭二百里海上移諸山樓臺高矗起君王好夜遊馬上紛羅綺往來明月間奉曲多清徵自從幸江都風光憶五湖雷塘營水殿彷彿舊蓬壺錦纜時絡繹螢火為歡娛此夢亦何好不肯忘須臾豈知愁怨結咸陽一炬徹樓閣忽灰飛臺沼隨烟滅我來大儀鄉土荒故址絕惟有野風吹楊花飛若雪

長阜苑

考證寰宇記云在縣北五里隋煬帝所建歸雁迴流等十宮皆在苑內

螢苑

考證名勝志云西苑南三里為螢苑唐杜牧之有秋風放螢苑句明萬曆陸志云考請大業十一年

煬帝至東都十二年五月壬午於京華宮徵求螢
 火得數斛夜出遊山放之則螢苑不在江都明矣
 前人不知何所據而移東都事於此注志所云誠
 足證誤然煬帝於廣陵般游有甚東都放螢一事
 未必不踵習為之李商隱詩欲取蕪城作帝家又
 云於今腐草無螢火則江都之螢苑亦難斷其絕
 無也

附錄

元張翥螢苑曲楊花吹春一千里獸艦如雲
 錦帆起咸洛山河古帝都君王自愛揚州死
 軍裝小隊皆美人畫龍羈汗金麒麟香風搖蕩夜
 遊處二十四橋珠翠塵騎行不用燒紅燭萬點飛
 螢耀川谷金釵歌度苑中來寶帳香迷樓上宿醉
 魂貪作花月荒肯信劍戟生宮牆爛斑六合洗秋

露尚疑怨血凝晶光至今落日行人路鬼火狐鳴
 隔烟霧腐草無情亦有情年年為照雷塘墓明
 陸弼詩西苑無人歸秋色揚州蚤傷心輦路傍依
 舊多腐草國朝梅庚詩幾點零星螢火光夜深
 仍照舊宮墻輕羅小扇休
 相撲當日君王用斛量

月觀

考證宋書徐湛之傳廣陵城北有陂澤水物豐盛
 湛之更起風亭月觀吹臺琴室果竹繁茂花藥成
 行招集文士盡游玩之適一時之盛也寰宇記云
 風亭月觀吹臺琴室竝在宮城東北為池側隋大
 業拾遺記云煬帝至江都選殿脚女吳絳仙等使
 給事月觀觀即徐湛之舊址一夕涼月來幸時烟

景清明左右皆寢帝凭蕭后肩說東宮時事帝曰
往年曾效劉孝綽爲離憶詩能記之否后卽誦云
憶來時欲來剛不來卸粧仍索伴解佩更相催博
山思結夢沈水未成灰憶起時投籤初報曉被惹
香熏殘枕隱金釵裊笑觀上林中除却司晨鳥帝
曰日月遄邁今已幾年事矣

附錄

國朝何嘉延詩何處荒涼月觀基清光偏與
二分宜唐家更有長生殿一樣凭肩私語時

制勅院

考證通鑑唐天復二年以李儼爲江淮宣諭使至
揚州楊行密建制勅院每有封拜輒以造儼

宋貢院

考證按宋陳造維揚貢院壽祠記有云安撫待制
侍郎趙公爲揚州庶富斯民之心切切焉其養士
而欲其成渴如也民庸奏最矣學政亦旣井井又
惟試士無所創貢院凡若干楹今莫考所在

宋倉場庫務

考證盛如梓老學叢談云昔在宋時建制闔於揚
事大體重旣兼州事調度浩繁仍兼鹽司財計可
以那融倉場庫務尤多倉有常平屯田椿管大軍
平糴交受趙節齋又建百萬倉庫軍資激賞錢

物分制司帥司有犒賞公使者四入有受給排辦
足物等庫酒庫有都造公使整暇集思場有都木
造船制造備禦柴場十椿積柴場二販賣柴場二
灰場三馬草場三都作院麴院糯米場豬場鹽場
醬場便民解庫惠民藥局今皆久湮未詳所在

東酒庫

考證寶祐志云東酒庫在大市之東一名壺春園
內有佳麗樓稱郡勝處

甲仗樓

考證寰宇記云揚州新城有甲仗樓晉謝安建

附錄

唐張籍新城甲仗樓詩謝氏起新樓西臨城
角頭圖功百仗麗藏器五兵修締構榱甍固
虛名戶檻幽魚龍卷旗幟霜雪積戈矛暑雨歆蒸
隔涼風宴笑留城高形出沒山靜氣清悠睥睨斜
光徹欄干宿靄浮芊芊秔稻色脈脈苑溪流郡化
王丞相詩成沈隱侯居茲良得景殊勝峴山遊

文選樓

考證隋大業拾遺記云帝嘗幸昭明文選樓車駕
未至先命宮娥數十人昇樓迎侍唐白居易詩爭
得梁太子更爲文選樓李益詩俗尚春秋學詞稱
文選樓皆無指明昭明文選樓之在揚州者惟宋
王觀揚州賦有云帝子久去今空文選之樓相傳
今太平橋北旌忠寺乃其故址因祀昭明太子像

於寺明一統志云曹憲江都人仕隋為秘書監以
文選教授生徒李善魏模輩皆出其門所居名文
選巷樓蓋以憲得名也

附錄 國朝王猷定重建文選樓碑記畧云文選何
以立學余嘗考其讀書處為文樓者有五而

宗選學者恒推江都李善敷析淵洽李邕附事見
義五臣不如也仲尼曰君子博學以文文者貫道
之器也由文註經由經合道樓之傳所以永與太
子文行交至啟土而祀之歲月日時具黍稷雞彘
瞻拜更集邦之秀民萃止樓下想見元良獻哲敦
倫樂善不亂於百家不蔽於枝葉易曰觀乎人文
以化成天下其在茲乎樓在太平橋北凡四楹始
於順治庚寅月日成於某月日文命聿新爰祀司
命之神於上王士徵詩何處登臨起暮愁蕭梁
人代幾悠悠心悲寶誌詩中語淚洒維摩江上樓
元圃風流人已盡蕪城日落草先秋銷沉故蹟遺
書在佛火寒鐘對暝流魏嘉琬九日登文選樓

詩草草心期亦戀留塵容免笑沐冠猴一秋好事
能澆菊九日登高喜上樓落木寒蟬銷帝業暮煙
殘雨畫揚州短歌橫笛悲
來盡手落霜螿已醉休

永寧樓

考證 陳書大建十一年正月龍見於南兖州永寧
樓側池中

逃樓 在府城西北七里故隋宮址

考證 古今詩話云煬帝時浙人項昇進新宮圖帝
愛之令揚州依圖營建既成幸之曰使神仙遊此
亦自當逃乃名逃樓南部煙花錄云煬帝於揚州
作逃樓上安四寶帳一曰散春愁二曰醉忘歸三

日夜含光四日延秋月

附錄

宋李綱迷樓賦隋室方隆削平萬國侈心一

放於淮隈鳳蓋霓旌錦帆龍舟决意東幸江都是
游窮奢肆欲乃建迷樓維樓之制衆巧所聚凌煙
摘星飛雲宿霧玉柱金楹千門萬戶複道連縣洞
房迴互翠華戾止杳不知其何所於是選夫燕趙
之女吳越之姬明眸皓齒豐頰秀眉娥媚曼睩窈
窕融怡被阿錫曳齊紈粉黛綠鳴珮鏘環者充
物乎其間列筍簾羅鐘鼓吐清歌呈妙舞以樂之
桃李妍芳耀新粧也蕙蘭芬馥汎天香也雲舒霞
卷繡袿裳也鸞語鶯啼舌笙簧也振木飛塵歌聲
揚也迴風流雪舞袖翔也雷霆間作金奏鏘也日
日薦玉食旦旦獻玉衣隨意所往恩幸則移晷夜
寒暑高下東西漠然不分茫然不知矧羣臣之賢
否庶政之是非生民之利病天下之安危盜賊斥
乎寰宇鋒鏑及乎宮闈身死人手雖悔何追嗚乎
噫嘻方其禽陳後主戮張麗華誅三佞人以謝天
下一何壯也及其師喪遠征禍肇元感荒淫不返

卒以絺殞又何憊也蕪城之側故址猶存狐兔之
所窟穴鼯鼯之所呻吟霜露梗莽風淒日曛過而
覽者莫不躊躇而悲辛與夫瓊室喪夏及鹿臺亡
商吳之姑蘇秦之阿房足以致亂於當年而垂戒
於萬世者蓋同出於一轍也我作斯賦以弔千古
之非而為後來者說也元許有壬迷樓賦予總
蹇政廣陵禱雨雷塘掾曹汝霖從歸途說江都廢
興荒煬始末周覽山川闐闐樓居之盛而又及迷
樓焉傷而賦之其詞曰有樂不縣積塵斷絃有美
不御老醜備前於是前星掩乎其無光少海一變
而為田矣天厭隋祚憂不在敵胎於心腹成於肘
腋以五子一母列據雄鎮為可恃而不知大都偶
國為禍之尤劇方荒煬之好學接士也固莫辨其
真偽及其留麗華而怒高頰則惡緒已暴於中外
惜猛虎之不知竟為毛間蟲之所噬黃腸甫湊金
合已賜鹿聚居廬龍飛天位弛然自放於九重之
上天地萬物無一物之可畏遂肆心於巡狩傳粉
深宮笑江東之諸帝車轍馬跡將徧九州北巡榆
林既讐其首耀兵河右瀆武東陬引汴水開邗溝
置離宮造龍舟伊江都之勝麗詎豫而一遊天

亦厭乎我民欲一旦而盡劉百萬之蚩蚩乃生
項昇之巧萃倕般於心匠委財幣於電掃按圖締
構不日成之璇室愧陋摘星笑卑傾宮謝侈阿房
讓奇章華姑蘇撮土何施建章柏梁廣猶可稽叔
寶三閣華而不微軼古罔後舉莫我夸於物靡曼
於粲珍瑰寶帳散愁而延月復有酣香而忘歸亂
晝夜於多景鬱烟霧之霏霏晶熒奪目孰辨遠邇
縈紆倚足曷明東西巢燕亦惑乎網戶車羊尤眩
乎竹枝弄臣肆誤以資笑阿熾雖習而猶疑入者
罔識其所從出者莫省其所蹊一蟻逐肉林之臭
一蜂憊花鳥之飛蠅遭拍浮而醉不可解舟入溟
滓而維無所施又如鷓鴣不能悉鄧林之樹小鮮
豈暇窮滄海之涯俊娥熟何妥之事錫名實來夢
之兒下俚稚女孰究其姓字如侯夫人之死者蓋
漫不知吁嗟獨夫心蕩神疲尚能名之可謂曰迷
昔在帝堯法宮是作舜闢四門以撤壅遏明堂政
令辟雍禮樂究義資訓德修罔覺遠不軌與不物
實儀刑之攸託三苗羲和昏迷致兵政教不迷在
書可徵威儀卒迷詩具刺懲盤孟几杖微且有銘
異哉茲樓以惡著稱謂真仙亦迷於此地何處通

突至不迷於厥行向使中原無叛天復假齡殆將
作七千五百里之臺而盡糜天下之蒼生矣人不
知過或肆無忌苟知其非敢作而遂觀其引鏡念
頭頸之且斫觀天識圖儂之將至既灼然而自知
乃確乎其自弃蓋柔終而無改過之勇厚極而有
難開之蔽迷於心者若是其大迷於樓特其細也
高岸為谷深谷為陵樓傾土平傷哉蕪城乃為之
歌曰蕪城蕭蕭兮草離離繁華漸盡兮瓦礫不遺
昔之迷不可復兮無俾世迷宋鮮于侁詩富貴
能幾何巋然見崇邱故宮迷藏地遺址隳層樓大
業全盛年翠華事遨遊蛾眉立殿脚錦纜牽龍舟
寶構干青雲麗人居上頭千齡謂長固四帳日忘
憂倚伏禍有胎舟中生寇讐傷心雷塘上蔓草自
悲秋崑嶺西北趨大江東南流山河形勝在塵跡
使人愁明張萱詩廣陵佳麗帝王州鳳舸龍輿
幾度遊往事最憐隋大業東來天子幸迷樓迷樓
縹緲垂楊市飛棟浮甍三十里千門萬戶紛蔽虧
碧海扶桑宛相似不數崇霞館莫擬阿房宮琅玕
飾椽題翡翠雕簾櫳銀臺碧樹杳何許寶礎奇花
路幾重曲曲朱闌金瞰蜿沉沉綺字玉盤龍盤龍

瞰蜿吹香霧飛入迷樓不知處閣道氤氳白晝昏
 惟有春風自來去春風爛漫春日然不及迷樓春
 更妍但願朱顏傾一國卻忘玉樹怨當年水調裁
 淫魄集羽譜旋娟銅龍燒燭賦金虎感紅媽萬斛
 熒熒高照夜銀河倒捲樓頭瀉酣香帳底花正眠
 含情已望迷樓下徵書夜夜下昭陽紫髯郎將促
 新妝民間有女不敢嫁蛾眉宛轉侍君王君王歌
 舞美韶華掃天紅粉凌朝霞坐垂蚤曉猶嫌影妝
 對芙蓉不讓花烏銅屏射雲烟裊珊瑚枕墜金釵
 小月下初乘任意車樓頭欲卻司晨鳥燕盡名香
 恨轉癡司晨鳥去莫教啼憶憨笑傍司花女索伴
 嬌嗔來夢兒皓齒明眸闔眉嫵背儂顧影調鸚鵡
 呼來如恨亦如羞妝底迷雲亦迷雨迷雨暮還暮
 迷雲朝復朝娟娟望春月眠眠聽春潮春月春潮
 憐故國一片迷魂歸未得鬼聲夜半哭潮頭迷樓
 白日無顏色吳公臺下草蕭疎回首迷樓春易徂
 為問彭城數尺帛何如三十六封書古來成敗皆
 如此朝霜秋葉東流水君莫悲南河楊君莫歌北
 地李獨憐歌舞噓作烟血光萬丈連天紫山陽瀆
 口悲風起白日欲裂黃雲死我今醉唱迷樓歌雄

劍酸嘶奈若何木落邗溝生白波吁嗟乎啼蛄弔
 月絡緯織野燐晝舞狐起立澤葵秋老紅蘭泣君
 不見咸陽古道傍殘碑寂寞苔錢蝕沈明臣詩
 陵谷高深不可求行人空自說迷樓鳥啼何處荒
 臺晚螢火無光廢苑秋堤柳不堪歌水調野花誰
 與散春愁傷心莫讀蕪城賦惟有邗江萬古流
 歐大任詩瓊枝十二樓玉鏡三千戶傷心鞏樹春
 花落雷塘路徐桂詩金屋貯嬋娟瓊樓何窈窕
 蕪盡六宮花秋風長寒蓼崔一鳳詩清平橋左
 曲池西今日仙遊路不迷一自綺羅灰劫後白雲
 荒草共禪栖陶允嘉詩桃花新雨後載月出邗
 溝棗板江南曲筠簾樺子舟飛飛雙燕子何處覓
 迷樓國朝王士徵詩東都無復翠華遊樵牧干
 年識廢邱錦纜銷沉餘落照垂楊憔悴覆寒流祗
 今清楚留空宇自昔迷藏有舊樓回首穠華盡黃
 土斷烟渺渺見邗溝宗元鼎詩樓閣前朝駐翠
 華夜酣香帳綺雲斜幾年歌吹龍舟曲六代風流
 帝子家綠鬢好看垂玉撥烏屏曾記亂銀霞如今
 野草常烘影不見當初迎輦花孫枝蔚詩東來
 天子復能詩更起飛樓貯翠眉琪樹經年開錦繡

珠簾入夏映清漪至今人唱夜游曲何處豕藏來夢兒結綺臨春亦如此燕泥庭草竟何知

摘星樓舊志云在城西北角卽迷樓故址後有摘星亭摘星臺

考證名勝志云寶祐城樓故摘星樓也江淮南北

一覽可盡宋賈似道置額樓上曰三城勝處又宋

實錄紹聖三年晁補之坐修摘星樓不覈實支省

錢謫通判應天府

附錄

國朝王士徵詩無極園中精進幢欲令塵思坐來降摘星樓閣浮雲裏一傍危欄望楚江

鳳凰樓

考證十道圖云隋煬帝建在廣北鄉鳳凰池側

萬歲樓

考證寰宇記云徐湛之爲南兖州刺史於城南起

萬歲樓以望鍾山又名勝志云舊傳何遜於城南

起萬歲樓以望鍾山樓下卽萬歲橋唐李益有詩

按宋書及南史止云廣陵城舊有高樓湛之更加

修葺南望鍾山未嘗有樓名也寰宇記謂爲萬歲

樓不知何本至何遜宦蹟未到廣陵辨具後東閣

注名勝志之說尤爲無據且益詩但云萬歲橋邊

一送君亦未及樓記志固皆未足傳信也

佳麗樓

考證名勝志云在大市東酒庫壺春園內江南諸

山拱揖在目

附錄

國朝宗觀詩勝景空尋佳麗樓江風浙浙野棠秋登樓不少名園醉一帶朱闌倚碧流

楊子江樓按萬曆縣志在江都

附錄

唐孫逖楊子江樓詩楊子何年邑雄開作楚關江連二妃渚雲近八公山驛道青楓外人

烟綠嶼間晚來潮正滿幾處落帆還

迎僊樓

考證唐鄭廷誨廣陵襍志云淮南節度使高駢建

其黨呂用之以妖術惑駢云神仙好樓居於廨邸

跨河為迎仙樓斤斧之聲晝夜不絕費數萬緡半

歲方就自成至敗竟不一遊局鏑儼然以至灰燼

附錄

唐羅隱迎仙樓詩鸞音鶴信杳難迴鳳駕龍車早晚來仙境是誰知處所人間空自造樓

臺雲侵朱檻應難到蟲網間窓永不開仔細思量成底事露迎風擺作塵埃

騎鶴樓在府東北大街內

考證太平廣記云昔有四人各言所願甲願多財

乙願為揚州守丙願為仙丁曰腰纏十萬貫騎鶴

上揚州蓋兼三人之願也後人建樓因以名之

卷書樓

考證北山集云宋建炎二年高宗駐蹕揚州以提

點刑獄公廨為尚書省禮部在西北隅卷書樓下

籌邊樓

附錄

宋程俱寓直詩三入南宮更三頭夜寒持被卷書樓那知跣足偏天下投老浮山省舊遊

考證方輿勝覽云宋郭棣知揚州卽故城遺址建樓曰籌邊倚欄舒眺見百里秋毫以杜他日伏戎之患

皆春樓在府東北開明橋西舊名大安樓宋寶祐間賈似道重建

中和樓

涼樓

慶豐樓以上三樓皆宋時建見名勝志

十三樓

附錄

宋蘇軾揚州遊賞南柯子詞山與歌眉歛波同醉眼流遊人都上十三樓道是竹西歌吹

古揚州 菰黍連昌歌瓊爨倒玉舟誰家水調唱歌頭聲繞碧山飛去晚雲留

淮海樓

考證宋帥相郭棣卽揚州南城爲淮海樓偕客落

成高郵陳造爲賦

附錄

陳造淮海樓賦娛暇日以登覽兮若斯樓之巨麗暝簷影於空闊兮循雕欄而徙倚目定

眎而猶眩兮足佇立而竦猗樓浮靄於朱薨兮遲羲馭於平楚來禽去雁却略跼踣而振去兮霧霏羃奕翦聿而在下陵迴漢而拳飛雲兮騫鵬舉之垂天頰萬井而數計兮挹峰磴之橫前吳封楚甸間列壘出而自獻兮納納未愁明霞斷烟豁海門之塊峙兮眇浮玉之一拳演江流之橫界兮衣帶

之紆餘修蟒之蜿蜒曠莽恢大四方而無際兮造
 衽席而瞭然我遊武昌載登南樓想元規之遺躅
 洎典午之清流緬懷仲宣登樓有作顧臨眺之信
 美終回遑而靡樂孰知夫曠千載而相望巨賢否
 之俄度惟汾陽公分君相憂功存宗祧身臨邊陲
 屹控阨之巨防躬熙代之康侯靜鎮榆塞創為茲
 樓將歷覽而俯省目所圍之備周深計遠圖寧為
 觀遊彼擁扇而障塵每解顏而借羞揮旌燾而少
 弭肅賓僚之濟濟匪晉公之儀曹外郎陳思之程
 楊應劉疇獲偕此玩面勢之隆崛瞰山川而顧指
 表桑麻中薨宇揭舒畫軸今對主賓之燕喜借胡
 牀於末席容霜毛之客子儕氓壘而分惠殿羣英
 而薦醴浩逸與之漂蕭豁幽懷而憑虛倚北戶以
 微睇儼桑粉之弊廬新色笑於犀塵陪觴詠於晨
 晡靳依劉之羈栖曾愴惻之不無訂休戚於今昔
 詎劣優之錙銖夫此眾君子之所扳援遇逢之厚
 幸願餘瀝之丐予者也羗勝集之超然寧飫宴之
 云計究樂事之攸寓後謫仙而鮮繼進牘命賦合
 辭一喙泚吾筆而長
 吟颯天風之搖袂

鎮淮樓南門城樓也宋時建

附錄

明朱廷立登鎮淮樓詩乘興來登臨水樓江
 天極目思悠悠潤城甚遠吾能借江岸花明
 春為留鷗鳥不須疑使節吏情亦自有林邱片雲
 飛盡三湘迴海國風多生暮愁 國朝王士祿詩
 鎮淮門旁春酒船雙漿劃波晴日前
 解識紅橋好風景游人齊向郭西邊

竹西樓

考證元張翥憶維揚詩蜀岡東畔竹西樓十五年

前爛漫遊

雁行樓

考證元宋无揚州卽事詩連營驃騎宅重柝雁行

樓

江都縣志 卷一 二
明月樓在府東北大街東

考證語林云揚州趙氏好客有明月樓一時題詠甚多未當其意趙子昂過揚州主人求作楮帖索筆題云春風闌苑三千客明月揚州第一樓主人喜甚撤酒器為贈唐徐凝詩天下三分明月夜二分無賴是揚州子昂意取此

附錄

國朝宗觀詩明月揚州劇可憐王孫落筆興超然而今十里朱門閉閒却春風闌苑天

桑豸詩綺食瓊杯闌苑游王孫題咏醉揚州而今何地無明月却少春風第一樓 吳綺卜算子詞 往蹟已難存勝事猶能說只為王孫兩句詩今古留明月 金竿亦尊常彩筆徵奇絕如此樓臺豈一家寂寂 都灰滅

瞻雲樓在府城大東門外元鎮南王父阿只建

江淮勝槩樓在瓜洲鎮明正統十三年侍郎周忱建尙

書王英有記

附錄

王英江淮勝槩樓記畧曰瓜洲江淮勝槩樓工部侍郎周公作也洲東南大鎮閩浙諸郡

與海外番國遣使貢獻朝廷差遣使臣暨漕運商旅之舟皆由瓜洲濟江逐利者渡以小舟風濤洶湧多致覆溺公造二巨艦以善舟者載以渡之又屬之民趙珣作石隄瞰出江岸以艤舟登岸者便之然舟無候館或風逆而暴水湧潮溢行者叢立於隄相視愕然咸有憂色公建樓五楹枕於石隄上闢牕牖中置几榻以處使客貴游之士下通其中為路其旁以息行旅其後置厨爨以便其飲食凡渡江者遇險則止無復憂恐而登樓四望大江南來浩渺無際金山峙於中流京口諸峯羅列如屏障景物之勝舉在目前竊思古之君子善於為政者凡利民之事大小必為之三六之時道路津

梁舟車館舍賓客之所寄寓舉皆有備周公巡撫南甸經理財賦國用充羨生民安富上下蒙其利凡二十年矣而造舟作樓特餘事耳人大受其惠如此君子哉善於為政者也遂書以記於樓

大觀樓在瓜洲南城康熙元年江防同知劉藻重建

附錄 國朝劉藻重建大觀樓記瓜洲鎮也然有城知斯城之為要地瓜城之東南西北皆具樓

櫓也然東南隅別有樓名大觀知斯樓之為勝地余以庚子歲來揚分守茲鎮值兵燹之餘城已頽塌崩圯詢樓所在則僅存故址而已緣城非郡邑歲修無額設故艱於上請或請多弗應以故前此雖知為急務咸嘆息而去余至是方申請議修會大司馬中丞林公備兵使者杜公臨江週城閱視則詫曰此要地也為南北一線之咽喉豈直兩淮門戶曷不堅爾城於是具題揚屬捐俸修理余蒙委董是役以孟春之吉鳩工今孟夏竣事城堅完而江防之形勢乃備因謀還斯城之舊觀則莫若大觀樓者蓋長江萬里如帶如縈其上則三山巍峩龍虎之所蟠踞也其下則三江浩瀚奔濤赴海日

月之所吞吐沐浴也當前潤城諸山屏立笋茁相就如几案間物以至烟嵐晴霞之變現風濤之洶歛雲樹之出沒其勝無不畢萃思昔人作籌邊樓圖山川里道於壁孰若斯樓之不假圖繪指點形勢已在目前或閱樓船試戰士坐論之頃於以消鯨波而致海晏蓋不獨恣其游覽吟風醉月而已也余初以城工之艱其上請也未計大觀樓之費特自捐俸全為廳三楹廳前作小捲三楹蓋未能建層樓也崇其臺以為之基其規模高濶畧與舊等凡名流題咏彙置於壁以語鎮之紳衿耆老咸悅曰能如是是亦足成勝地矣因鑿石而為之記

彭城閣

江左名流能坐嘯玉京仙子好樓居吳王城郭秋風裏楚塞帆檣落日餘更向夜涼彈寶瑟三山空翠滿衣裾

考證大業雜記注云舊為彭城邨湯帝因以名閣

附錄

唐李益詩故國歌鐘地長橋草馬塵彭城閣邊柳偏似不勝春

元珠閣

考證寰宇記云隋楊子宮有元珠閣

延和閣

考證鄭廷誨廣陵雜志云高駢建延和閣於廳事之西高八丈皆飾以珠玉綺牕繡戶殆非人工每旦焚名香列異寶以祈王母之降及畢師鐸亂人有登之者於藻井垂蓮之上見二十八字云延和高閣上千雲小語猶疑太上聞燒盡降真無一事開門迎得畢將軍此近詩妖也亦傳詩為羅隱作

慶雲閣

考證唐張祜遊揚州詩閣想慶雲登

雲山閣

考證寶祐志云陳升之建於城之西北隅後呂公著嘗遊其上值中秋燕客忽秦觀以舉子入謁呂素聞其才請即席為樂語秦云雲山簷楯接低空公宴初開氣鬱葱照海旌旗秋色裏徹天簫鼓月明中香槽旋滴珠千顆歌扇驚團玉一叢二十四橋人望處台星正在廣寒宮一坐嘆服淳熙間鄭興裔撤玉鈎亭增大之命名雲山觀後圯賈似道

鎮淮之五年復雲山觀於小金山

附錄 宋鮮于侁詩飛觀躡高壘隱然星斗間公休一登臨坐見江南山昏旦杳靄中蒼蒼如可

攀雲藏紫霄外舒卷心自閒余本麋鹿羣簪紳玷朝班誓將棲絕境終日面潺湲 國朝王賓詩雲

山閣敞正中秋入座詩狂想少遊星到廣寒人不識月明歌嘯俯滄洲

雪薊閣

考證寶祐志云在府治正堂後移揭於郡圃以亭名

附東閣辯

舊傳揚州有東閣為梁何遜詠梅之所故杜甫和裴廸詩有東閣官梅動詩興還如何遜在揚州之

句揚用修丹鉛錄謂東閣官梅乃新津之地子美以裴廸逢蚤梅作詩故引何遜比之非揚州有東閣也又云遜集無揚州梅花詩但有蚤梅詩宋人假子瞻名作杜詩注云遜作揚州法曹解舍有梅一株吟咏其下後居洛思之請再任揚州值梅花盛開相對徬徨終日按遜本傳未嘗為揚州法曹是時南北分裂洛陽魏地遜為梁臣何得後居洛陽又得請再任乎據用修辯足破宋注之謬但風臺月觀明用揚州事若因注妄而竝疑其詩則太泥矣以上出府縣舊志然皆不如宋張邦基墨莊

漫錄之明晰可據其畧云杜詩還如何遜在揚州
 不詳遜在揚州之說以本傳考之梁天監中遜為
 尚書水部郎南平王引為賓客掌書記室薦之武
 帝後見別本云南平王為中權將軍揚州刺史望
 高右戚實曰賢王東閣一開競收楊馬遜詞藝蚤
 聞故深親禮引為掌文記室乃知遜嘗在揚州也
 但東晉宋齊梁陳皆以建業為揚州隋始以廣陵
 為揚州則遜所在之揚州乃建業耳按此是東閣
 不在今之揚州無疑至於月觀風臺詩內明云卻
 月觀凌風臺與徐湛之在南兖州所建月觀風臺

何涉附會紀載誠可不必因舊志既存其名未便
 遽汰謹附此以備參考

水館

附錄

唐李紳宿揚州水館詩舟移淺浦參差合橋
 映晴虹上下連輕櫂過時搖水月遠燈繁處
 隔秋烟卻思海嶠還淒嘆近涉江濤更凜
 然閑倚闌干指星漢尚疑軒蓋在樓船

爭春館

考證名勝志云在郡後圃有杏花數十畷唐開元

間太守張宴圃中一株杏令一妓倚其旁立館曰
 爭春宴罷夜闌人或聞花有嘆息聲後日圃為杏
 村

秋聲館

考證陶穀清異錄云余銜命渡淮入廣陵界維舟野次縱步至一村圃有碧蘆方數畝中隱小室榜曰秋聲館時甚愛之不知誰家之別墅意主人亦雅士也

高麗館在南門外

考證宋元豐七年詔京東淮南築高麗館以待朝貢之使建炎間圯紹興三十一年向子固重建扁其門曰南浦亭曰瞻雲爲迎餞之所

會館

考證名勝志云揚州梅花嶺上有樓臺池館東西翼以諸州縣公署曰會館

東陵亭

考證後漢書郡國志廣陵有東陵亭注引博物志東陵聖母事

風亭劉宋時徐湛之建

新亭

考證南史宋大明三年竟陵王誕舉兵廣陵沈慶之進軍新亭逼之方輿輯要云新亭在蜀岡上

澄月亭

懸鏡亭

春江亭

考證寰宇記云三亭在縣南二十七里楊子宮西
皆隋建

木蘭亭

考證寶祐志云隋九曲池在城北七里蜀岡之麓

煬帝嘗起木蘭亭於上

附錄

宋徐鉉重游木蘭亭詩繚繞長隄帶碧潯昔
年游此尚青衿蘭橈破浪城陰直玉勒穿花
苑樹深宦路塵埃成久別仙家風景有誰
尋那知年長多情後重凭闌干一獨吟

摘星亭具摘星樓注

附錄

宋蘇轍詩闕角孤高特地迷迷藏渾忘日東
西江流入海情無限暮雨連山醉似泥夢裏
興亡應未覺後來愁思獨難齊只堪留作游觀地
看遍峯巒處處低秦觀次韻詩崑崙左右兩招
提中起孤高雉堞西不見燒香成宿霧虛傳裁錦
作障泥螢流荒苑飛星亂蕪滿春城綠髮齊長憶
凭闌風雨後斷
虹明處海天低

水亭

考證名勝志云在城北隅唐獨孤及建以泛舟望

月燕集賦詩者南唐徐知誥夜引宋齊邱於水亭

獨置火爐相向不言畫灰爲字隨即滅去所謀甚

秘人莫得知

玉鈞亭

考證唐元和中李夸簡鎮淮南於城之西南夕見
新月如鈎皇甫湜為之記

附錄唐竇鞏登玉鈎亭奉獻淮南李相公詩西南
城上高高處望月分明似玉鈎朱檻入雲看

鳥滅綠楊如薺繞江流定知有客懸陳榻從此無
人上庾樓今日卷簾天氣好不勞騎馬看揚州

賞心亭

考證唐馮翊桂苑叢談云咸通中丞相姑臧公李

蔚拜端揆曰自大梁移鎮淮海以其郡無勝游之

地命於戲馬臺西連玉鈎斜道開闢池沼構葺亭

臺都人士女得以游觀一旦聞浙右小校薛陽陶

監押度支運米入城公召陶同遊問及蘆管之事

陶因獻陸鬯元白所撰歌一曲即於茲亭奏之其

管絕微每於一鬻篋管中常容三管也聲如天際

自然而來情思寬閒公大佳賞贈詩有云虛心織

質雁銜餘鳳吹龍吟定不如亭未有名因名賞心

白孔六帖作賞心樓周輝清波雜志云建康有賞

心亭揚州亦有賞心亭名雖同而顯晦異

碧筠亭

考證鄭廷誨廣陵雜志云唐高駢鎮淮南立碑刻

頌迎置碧筠亭

延賓亭

考證五代楊吳時徐知誥以兵入廣陵定亂遂為淮南節度副使於府署內立亭號曰延賓以待多士命宋齊邱為之記

附錄

宋蘇舜欽延賓亭詩亂蟬咽咽柳霏霏獨上危樓俯落暉江外山從林下見城中人向渡頭歸風烟遠近思高遜豺虎縱橫嘆息機出處兩乖空自撓傷心吾道欲何依

九曲亭

考證九朝錄云宋藝祖之破李重進也駐蹕蜀岡寺有龍鬪於九曲池命立九曲亭以紀其事

手詔亭宋時建府志云孔融臺在其傍

竹西亭

考證古今詩話云竹西亭修竹踈翠後即禪智寺也取唐杜牧誰知竹西路歌吹是揚州句以名亭寶祐志宋向子固易為歌吹亭紹興毀於火郡守周淙重建復舊名萬曆縣志云亭歲久而圯縣令張復建於北岸皂角樹側祀宋儒竹西王先生於中表鄉之典型也

附錄

宋歐陽修竹西亭詩十里樓臺歌吹繁揚州無復似當年古來興廢皆如此徒使登臨一

慨然

梅堯臣詩結雨竹西若若川揚州歌吹似

當年劉郎若向風前唱夢入青樓事惘然蘇軾

過廣陵擇老相送竹西亭下留別詩竹西失却上

方老石墪還逢惠照師我亦化身東海去姓名莫

遣世人知呂本中竹西亭詩十年走塵土重上

竹西亭草木新容態江山舊典型狂風掃毒暑落

月伴疎星認取揚州路荒城一抹青 明徐賁詩
竹西亭下路迢迢騎鶴仙人不可招秋草秋煙滿
城郭月明何處夢吹簫 朱曰藩詩望望行宮地
遙遙大業年山光連古寺水調尚遺編軟纜千花
妓迷樓五色烟繁華何可弔高樹起秋蟬 梁于
淡詩茱萸灣水渙渙上有孤亭峙高岸而今冷落
荒烟斷遊人不來蒼鼠竄問竹西人不辨惟有隴
上舊耕夫五十年前說曾見 國朝郭士璟詩北
登古刹傍山蹊傳是蕪城舊竹西歌吹至今無入
路野篁蕭瑟繞長堤 彭極詩竹西亭子偶來經
烟雨蒼涼路杳冥只有估船
商女曲年年歌吹不曾醒

春貢亭

考證寰宇記云蜀岡有茶園其茶甘香味如蒙頂
上有春貢亭宋時揚州貢茶皆出蜀岡因以名亭

附錄 宋歐陽修和劉原父春貢亭詩崑邱蒙谷接
新亭畫舸悠悠春水生欲覓揚州使君處但

隨風際管絃聲 梅堯臣詩蒙谷浮船穩且平泊
登岡頂看茶生始從官屬二三輩時聽春禽一兩
聲

無雙亭

考證一統志云在江都蕃釐觀前以瓊花天下無
雙也相傳宋歐陽修守揚州作無雙亭又見聞襍
錄云宋郊構亭花側榜曰無雙未知孰是

附錄 宋歐陽修無雙亭荅劉發運見寄詩瓊花芍
藥世無倫偶不題詩便怨人曾向無雙亭下
醉自知不負廣陵春 劉敞無雙亭觀瓊花贈聖
民詩東風萬木競紛華天下無雙獨此花那有靈
龔凌暖日不為琪樹隔流沙祠城寂寂春空老江
雨冥冥日易斜仙品國香俱妙絕少傾高興盡流
霞

觀風亭

考證歐陽修于役志云景祐三年七月至揚州遇秀才廖倚及子聰飲觀風亭

遡渚亭

考證歐陽修于役志云七月在揚州飲遡渚亭會者集賢校理玉君王大理寺丞許元太常寺太祝唐詔祠部員外郎蘇儀甫

美泉亭宋歐陽修建鄭興裔重修

斗野亭在邵伯鎮宋熙寧二年建輿地志云揚州於天文屬斗分野故名紹興元年鄭興裔更造於州城迎恩

橋南嘉定間崔與之改題曰江淮要津移斗野扁揭於

北門外

附錄宋孫覺題邵伯斗野亭詩淮海無林邱曠澤千里平一渠閑防渚物色故不清老僧喜穿

築北戶延朱薨簷楯斗杓落簾幃河漢傾平湖杳無涯湛湛春波生結纜嗟已晚不見芙蓉城尚想紫芡盤明珠出新烹平生有微尚一舟聊寄行遇勝輒偃蹇霜鬚刷澄明可待齒牙豁歸歟謝浮榮蘇軾次韻落帆謝公渚日脚東西平孤亭得心憇暮景含餘清坐待斗與牛錯落掛南薨老僧如宿昔一笑意已傾新詩出故人舊事疑前生吾生七往來送老海上城逢人輒自哂得魚不忍烹似聞續溪老復作東都行小詩如秋菊艷艷霜中明過此感我言長篇發春榮蘇轍次韻扁舟未得解坐待兩闌平濁水汗人思野寺為我清昔遊有遺詠枯墨存高薨故人獨未來一罇誰與傾北風吹微雲暮寒依月生前望邗溝路却指鐵甕城茅簷卜茲地江水供晨烹試問東坡翁畢老幾此行

奔馳力不足隱約性愈明早為歸耕計免慙老僧
 榮秦觀次韻淮海破冬仲雪霜滋不平菱荷枯
 折盡積水寒更清輟棹得佳觀湖天繞朱薨信美
 無與娛濁醪聊自傾北眺桑梓國悠然白雲生南
 望古邗溝滄波帶蕪城村墟翳茅竹孤烟起晨烹
 簷間鳥聲落客子念當行攬衣視日景薄陰漏微
 明何時復來遊春風發鮮榮黃庭堅次韻謝公
 所築埭未歎曲池平蘇州來賦詩句與秋氣清結
 構擅空濶湖光浮棟薨維斗天司南其下百瀆傾
 貝宮產明月含澤遍諸生盤薄淮海間風烟浸十
 城籟簫吹木末浪波沸庖烹我來杪搖落霜清見
 魚行白鷗遠飛回得我若眼明佳人歸何時解衣
 繞廂榮張耒次韻維舟得古寺望遠天四平晴
 日揮揮散晚風冷清危亭下瞰野層閣高連薨
 起望斗與牛淮海相奔傾往來誰百年今昔我平
 生悠悠何所寓臺上多化城與其逐影死寧似不
 鳴烹咄哉應有止老矣將安行中庭栢子落丈室
 霜月明此意竟蕭條猶然笑安榮張舜民次韻
 我登甘棠埭所向殊未平舟行汗地中頓失江湖
 清蛙聲亂僧俱鳴鴟吻赫市夢意同伯喈死苟與衛

士傾開池種白蓮壘石擬三生猶淹南斗墟終遠
 北斗城設我紫藕供報之白芽烹三年猿鶴友萬
 里秦楚行秋風隴首至落日淮南明寄言懷土士
 慎勿慕官榮劉燾題邵伯斗野亭詩地勢如披
 掌天形似覆盤三星羅戶牖北斗挂闌干晚色芙
 蕖靜秋香桂子寒更無山礙眼剩覺水雲寬尤
 袤重登斗野亭詩二首野色涵空濶平蕪接渺瀰
 江淮天設險星斗地分維喬木千年意滄波萬古
 悲老僧尤好事見在索題詩豪傑舊遊處此亭
 名亦俱淒涼謝公堰浩蕩董家湖陳迹成興廢遺
 篇今有無登臨何限恨搔首獨長吁陳淵登邵
 伯斗野亭詩落帆新城曲維揚古河右幽尋得危
 亭星斗穿戶牖西風掃殘葉庭宇不待箒娟娟雲
 間月亦復照杯酒明朝又東南汗流映衰柳莫以
 此時心熾然分淨垢

四栢亭

考證寶祐志云宋元豐中鄒浩為致授著四栢賦

序云廣陵學宮廳舊為夫子廟庭祖四栢皆凜凜合抱後莫究其所淳熙中重建學宮文學掾彭方仍植四栢於廳事之南因以名亭

附錄 宋孔夢斗詠鄒道鄉植四栢詩道鄉採芹暇手植四栢相對有正味愛此歲寒格忠言

賈竒禍幾削諫臣跡栢亦助道鄉每號風雨夕栢死公不死大名日敷白後人補種之存棠思邵伯

亭亭儼相持撐雲空百尺是栢出雖晚風致猶古昔我來跣遺芳清坐假一席徘徊意難舍猛把闌

干拍寄語景行人用意謹勿窄 倪垕次韻斯文以道重所取不但栢借彼剛特姿昂然見標格歲

華閱如流蒼鬣尚塵迹田晝亦竒士三嘆子革夕人生運窮達敢愛母頭白冷冷清風間媿死幾侯

伯誰歟繼遺響高卧樓百尺袖攜萬斛珠一笑俯今昔知心古槐樹交蔭上簾席大開多士鑪韶竿

辨節拍所養貴所用量廣滄海窄

迎波亭在瓜洲鎮

附錄 宋王令瓜洲迎波亭詩海面清風萬里寬偶來如已脫塵關自嗟客世無虛日却被斜陽

占盡山海鳥不來青嶂靜漁師歸去暮江閒從來雲水有期約只待功成是厚顏

申申亭宋揚州進士滿涇築

附錄 宋王令題滿氏申申亭詩申申亭者名自誰河東丈人身名之方其作亭自休息固欲申

暢名其題雖然自奉頗優樂豈敢兼忽當世為若日所憂非所及因以遜世無悶辭丈人疎高喜自

適去不限約來無時門無賓僚車馬絕室有几杖衣冠敲夜徑行招海月伴晝榻坐與天雲期春林

暄和鳥聲好勝聽俗論相啞咿塵埃縱爾得風力卒不到此徒自飛亭前朱朱有冶態亭下白白無

俗姿好木留存竟見實惡草鋤拔無容茨嘗聞景勝未易敵須有大句相參差故吾經年不敢往日

望詩老力可支偶來為游適已晚花稍尚有春餘遺高哦遶樹惜時節拾嚼紅片行返遲回看北林

竹萬個寒翠欲起凌人威清風時來助氣勢塞甲
夜聚言語私方將投閒日來此脚踏樹下成交蹊
無端塵土又為隔明日跨馬西北馳
心思夢好定頻到不必直俟歸風吹

蠹雲亭在南門外瀕河舊名同禮紹興間鄭興裔建嘉定間崔與之易今名

波光亭

考證舊卽九曲亭宋乾道二年郡守周淙重建以
波光亭扁揭之已而亭圯池塞慶元五年郭杲命
工濬池引諸塘水注之建亭於上遂復舊觀又築
風臺月榭東西對峙繚以柳陰亦一時勝觀也

附錄

宋陳造波光亭賦汾王後身金阜老仙笑譚
功名師友簡編手神丹而活國身長城之護

邊虎節所臨犢佩已捐興仆振蠱輩古所傳有亭
屹立城闈右偏插深池之清泚凌蒼靄而高騫面
勢之孤危簷榮之躡連在公之設張經畫纒太倉
之稊米已度越於後前想旌纛之每臨宛笙崔之
雲軒賓從嫖嫖笑歌嬋娟掃亡國之淫哇奏新唱
之清妍泛淑景之香紅春秋冬夏信非我有而我
按與之周旋佳月上兮闖冰奩微風動兮媚漪漣
撫物而得之應世之心池月之湛寂緯武有文風
漪之自然推此用之躋世五三軼勳四七將俯拾
而需旃是猶衡氣機也耶世識之規恢之後吾得
之拱默之先彼不知者方以吾
為億中而或者必予其知言

玉立亭

附錄

宋崔與之揚州任滿辭后土題玉立亭詩天
上人間一樹花五年於此駐高牙不隨紅藥
矜春色為愛霜筠耐歲華四塞風塵天籟寂半庭
月冷市塵賒臨行更致平安祝一炷清香十萬家

借山亭

考證宋馬仲甫於九曲池買地築亭名曰借山有詩云平野綠陰蔽亂山青黛浮亭地向子固重建

附錄

宋劉季孫題借山亭詩給事風流在虛亭景趣閑全臨故宮水盡致別州山峯勢時相向嵐光夜不還無時供勝賞歷歷白雲間

四望亭寶祐志云在州治南宋崔與之建

竹心亭萬曆縣志云一名半山在借山亭下茂林脩竹

間宋淳熙二年吳企中建

勸耕亭

考證寶祐志云在州治淮海堂後每歲仲春出郊勸農寓於上方寺宋慶元五年郭杲建亭於寺之

前移亭扁揭焉

羽揮亭

考證宋郭杲穴城作門面水架亭扁曰羽揮

環碧亭

考證名勝志云宋寶祐中賈似道即環碧亭址重

建雲山閣

明月亭

附錄

宋孔武仲明月亭詩杳杳蕪城起暮鐘亭亭華月照秋容便疑碧海依墻塹雲水情知隔

萬重

江風山月亭在瓜洲東南

考證元揚州路總管熊漢卿別墅在城南王嘗避暑於此

附錄元張翥瓜洲與成居竹王克繩登江風山月亭詩風起西津斷客艘熊家亭子獨凭高雲

移鳥影沉江樹雨帶龍腥出海濤開闢自天留壯觀登臨惟我老英豪放舟擬就金山宿一夜清寒

襲錦袍 國朝魏都追和張韻詩一髮青天失萬艘峭風落袖迴憑高隔雲飛錦入寒月對海彈琴

清夜濤集響空多宜嘯癖能吟老去尚詩豪祇今避暑名園地蓼岸秋容認草袍

採芹亭

考證盛如梓老學叢談云元揚州路學有採芹亭

竹軒花亭

考證楊端瓊花考云亭在蕃釐觀內成化初道士

陳永輝建

附錄明楊守陳詩洞門高啟入幽蹊翠靄蒼雲望欲迷萬竹軒中雙鶴舞百花亭上一鶯啼鳳

笙要眇來雲外鸞蓋依微度水西疑在蓬萊最深處回看人世隔塵泥

蕪城古臺

附錄宋釋保暹登蕪城古臺詩無處堪高望城邊上古臺窮秋人獨立落日雁空回地險千峰

出霜嚴萬木推遲吟不能下滿眼是塵埃

吳王釣臺

考證西征記云雷陂有臺高二丈南兖州記以為

即吳王濞之釣臺也大觀圖經云在揚州城北十

二里

孔融臺府志云臺在宋手詔亭旁亦名窰鏡巷

考證唐李德裕金松賦序廣陵東南有顏太師猶

子舊宅其地則孔北海故臺

弩臺一名吳公臺

考證方輿輯要云在城西北四里劉宋大明三年

沈慶之攻竟陵王誕築臺以射城中者陳大建中

吳明徹圍北齊東廣州刺史敬子猷增築之故號

吳公臺一名雞臺隋大業拾遺記云煬帝常遊吳

公雞臺恍惚與陳后主遇後主指其侍女曰此張

麗華也蕭妃何如此子帝曰春蘭秋菊各是一時

之秀

附錄

唐劉長卿登吳公臺遠望詩古臺搖落後秋

舊壘寒砧滿空林惆悵南朝事長江獨至今

張萱詩脈脈高臺月悠悠故國心初烟扶岸上片

雨隔溪深往事隨芳草秋風生遠林南朝一溝水

嗚咽到如今歐大任詩愁問南朝日風塵暗戰

場蹶張三萬士只恨竟陵王徐桂詩弩埋臺亦

荒耕人出魚服道是古戰場莎草多於鏃國朝

王士徵詩大業那堪問長城怨有餘回頭成一笑

三十六封書郭士璟詩竟陵軍士哭城陴桃葉

山前夢又隨最是關情臺下語研紅盞子月華詞

他日麗華泉下笑

蕭娘羞與阿廢逢

煬帝釣臺

煬帝釣臺

考證隋書大業七年二月己未上六釣臺臨楊子
 津大宴百寮頒賜各有差乙亥自江都御龍舟入
 通濟渠遂幸於涿郡大業雜記云煬帝初造釣臺
 運石者駕舟至江東岸山下取石壘構釣臺之基
 忽有大石如牛十餘自山頂飛下直入船內如人
 安置船無損傷當時咸以為瑞帝又常升釣臺觀
 魚

鬪雞臺

考證名勝志云按大業記煬帝於吳公雞臺下恍
 忽與陳後主遇或即其處杜牧之揚州詩春草鬪

雞臺又趙嘏廣陵道中詩鬪雞臺邊花照塵蓋皆

指此

附錄

國朝吳綺陽臺夢詞雞臺夜遇烟籠月舊精
 靈尚悲桃葉陳宮猶有麗華隨比蕭娘較別
 興亡寧足問半為蛾眉銷歇
 一般歌舞一般休枉費蒼生血

戲馬臺

考證陳後山詩話云廣陵有戲馬臺其下路號玉
 鈎斜桂苑叢談作戲馬亭唐咸通中李蔚建寶祐
 志云賞心亭在臺之西

楞迦臺

附錄

唐李羣玉將遊羅浮登廣陵楞迦臺別羽客
 詩清遠登高臺晃朗縱覽歷淮泉喚仙風於

江者果元 卷十二 古蹟 三
此盪靈魄冷光邀遠目百里見海色送雲歸蓬壺
望鶴滅清碧波瀾收日氣天宇回澄寂百越落掌
中十洲點空白身居飛鳥上口詠丹元籍飄此出
塵籠想望吹簫客冥冥人間世歌笑不足惜竭來
羅浮顛披雲鍊瓊液謝公雲岑興可
以躡高跡吾將抱瑤琴絕境縱所適

崑邱臺

考證方輿輯勝云禪智寺側為崑邱臺取蕪城賦
軸以崑岡為名相傳歐陽修即崑岡築臺以為游
觀之勝其詩則云訪古高臺半已傾是崑邱舊有
臺歐特修築之耳

附錄

宋歐陽修詩訪古高臺半已傾春郊誰從綵
旗行喜聞車馬人同樂慣聽笙歌鳥不驚
明歐大任詩地軸橫崑岡上有百
尺臺天邊桐栢水西向城頭來

望江臺在瓜洲宋時完顏亮南侵築臺望江故名見楊
萬里過瓜洲詩注

董公堂

考證寶祐志云在縣治正廳後為董仲舒舊宅故
名縣治今為運司署

流珠堂

考證隋書江都宮西院有流珠堂

時會堂

考證胡仔茗溪漁隱叢話云歐陽文忠詩身有和
劉原父揚州時會堂絕句注云堂造貢茶所也

附錄

宋歐陽修和劉原父詩二首積雪猶封蒙頂樹驚雷未發建溪春中州地暖萌芽蚤入貢

宜先百物新 憶昔嘗修守臣職先春自採兩旗開誰知白首來辭禁得與金鑿賜一杯 堯臣

詩二首今年太守採茶來驟雨千門禁火開一意愛君思去疾不緣時會此中杯 雨發雷塘不起

塵蜀崑岡上煖先春烟芽才吐朱輪出向此親封御餅新

四并堂

考證名勝志引孔武仲芍藥譜韓魏公琦於郡圃

得金帶圍花四朶分簪王岐公珪王荆公安石陳

秀公升之因建四并堂方輿勝覽云韓公琦於郡

圃建四并堂取美景良辰賞心樂事四者難并之

義後圯慶元中趙鞏於郡圃復古名曰杏邨重建

堂取韓公舊名題扁兼有柳徑竹坡等景

平山堂建於宋後為寺僧所據作栖靈寺名蹟久湮

康熙二十年知府金鎮與邑人刑部主事汪懋麟力圖

修復建堂寺右復闢堂後為樓五楹扁曰真賞祀歐陽

修并前代賢郡守於其上二十三年

聖駕南巡臨幸

御書怡情額四十四年

御書平山堂及賢守清風額懸堂內

考證方輿紀勝云在郡城西北五里蜀岡上宋慶

曆八年郡守歐陽修建堂於大明寺之坤隅江南

諸山皆拱列簷下若可攀躋改名平山夏月公每
 攜客堂中走人邵伯湖折荷花百朶插於壁命
 伎以花傳客行酒往往載月而歸後慶元中有右
 司郎中糜師旦遊揚州平山堂恍如疇昔所經獨
 歎息壁間字畫堂前楊柳之不存耳翼日渡江適
 其兄倅京口即移柳數十本屬揚帥趙子固為補
 植且寄詩云壁上龍蛇飛去久堂前楊柳補來新
 一生企慕歐陽子重到平山省後身堂日久就圯
 刁約周淙鄭興裔趙師古史巖之皆繼新之張懷
 沈括洪邁樓鑰各有記

附錄

宋沈括平山堂記曰揚州常節制淮南十一

漢十一路百州之遷徙貿易之人往還皆出其下
 舟車南北日夜灌輸京師者居天下之七雖選帥
 常用重人而四方賓客之至者語言面目不相誰
 何終日環坐滿堂而太守應決一府之事自若往
 往亦不暇盡舉其職不然大敗不可復支雖力足
 以自信始皆不能近謂之可治卒亦必出於甚勞
 然後能善其職故凡州之燕賞享勞太守之所遊
 處起居率皆有常處不能以意有所揀擇以為賓
 客之歡前守令參政歐陽公為揚州始為平山堂
 於北岡之上時引客過之皆天下豪雋有名之士
 後之人樂慕而來者不在於堂榭之間而以其為
 歐陽公之所為也由是平山之名盛聞天下嘉祐
 八年直史館丹陽刁公自工部郎中領府事去歐
 陽公之時纔七十年而平山僅若有存者皆朽爛
 剝漫不可支撐公至踰年之後悉撤而新之凡
 駟廩餼材藁之費調用若干皆公默記素定一日
 指授其處所以為堂之壯麗者無一物不足又封
 其庭中以為行春之臺昔之樂聞平山之名而來

者今又將登此以博望遐觀其清涼高爽有不可
 以語傳者也揚為天下四方之衝且至乎此者朝
 不知其往朝至乎此者夕不知其往民視其上若
 通道大途相值偶語一不快其意則遠近搖
 喧紛不可解公於此時能使威令德澤洽於人心
 政事大小無一物之失而寄樂於山川草木虛閒
 曠快之境人知得此足以為樂而不知其致此之
 為難也後之人登是堂思公之所以樂將有指碑
 以告者也 洪邁平山堂後記畧曰揚為州最古
 南傅海北捷淮井而方之蓋萬里後世華離鈞析
 殆且百郡獨廣陵得鼎其名故常稱巨鎮為刺史
 治所為總管府為大都督府為淮南節度使方唐
 盛時金蜀尚列其下有揚一益二之語入本朝事
 權雖殺而太守猶一道鈐轄安撫使品其域望他
 方莫與京也迷樓九曲珠簾十里二十四橋風月
 登臨氣槩政足以突兀今古茲堂最後出前志謂
 江南諸峯植立闌戶且肩摩頰接若可攀取山既
 佳而歐陽又實張之故聲壓宇宙如揭日月搢紳
 之東南以身不到為永恨意謂層城闔風中天之
 臺抑末耳然百餘年間屢盛屢歇瓦老木腐因之

以傾侈薦之以兵革而禾黍離離無復一存荒烟
 白露蒼莽滅沒使人意象蕭然誦山色有無之句
 付之三歎而已 國朝金鎮重建平山堂碑記余
 莅揚值軍興伊始征調旁午數月始得整理廢墜
 稍稍就緒借郡之賢士大夫觴詠蜀岡之上感平
 山堂之毀為僧寺與汪舍人蛟門暨同遊諸君將
 謀復之也既為文述宋歐陽公治郡政績以其餘
 力創為是堂及今之既廢而宜復之意以語其莅
 茲土者視舊址迤西又闢前後隙地二畝許益之
 度材量費上自巡鹺侍御暨僚屬大夫其心同其
 言樂以九月初旬始歲終迄成事木石堅緻黝堊鮮
 彩軒檐既啟江山欲來五百年之壯觀一朝頓復
 適余奉命視郵政江寧喜其將去而落成也復
 偕諸君子登山置酒而樂之郡之父老既歡既愉
 士女奔奏攀崖捫級來觀者不絕是時適樵李曹
 司農至首為五十韻長句紀其事凡郡之縉紳學
 士及四方名流無不契宮徵敲金石效奇美
 茲堂之上論者謂與蘇王秦劉諸賢之倡不
 上下而惜乎余非歐陽公其人也夫一堂之興復
 微耳然人情欣欣若以為事之必不可少者何也

方今東南不幸多事吳越之郊一望戰壘民負楛而炊喘喘不能終日揚以四達之衢吾得與二三子保境休息於此里門晏開守望不事四方之結轂而至者指為樂土此非大幸耶當此之場而不恤既非所以稱為民父母之意揆之人情亦必有鬱然不樂者也以余之德薄所以能使人情之所欲爭勸其事而歡樂其成功者凡以順人情之前人創之為而已然為此於萬難倥偬之際比之前人創之日其勢尤有不易者非諸君子之協力交贊即予何能藉手以告成哉是皆不可以無記也 劉敞登平山堂寄歐陽內翰詩蕪城此地遠人寰盡借江南萬疊山水氣橫浮飛鳥外嵐光平墮酒盃間主人留賞來何暮游子消愁醉不還無限秋風桂枝老淮王仙去可誰攀 歐陽脩和劉原父平山堂見奇詩督府繁華久已闌至今形勝可躋攀山橫天地蒼茫外花發池臺草莽間萬井笙歌遺俗在一樽風月屬吾閒遙知為我留真賞恨不相隨暫解顏 梅堯臣和永叔荅劉原甫遊平山堂詩黃土坡隨岡頂寺青烟歷冪浙西山半荒樵牧

舊城下一月陰晴連嶼間人指廢興都莫問眼看今古總輸閑劉郎寄詠公酬處夜對金鑾步輦還又平山堂留題詩蜀岡莽蒼臨大邦雄雄太守駐旌幢相基樹楹氣勢厖千山飛影橫過江峰嶠俯仰如奔降雷塘渡小瀾鷓雙陸羽井苔黏瓦缸煎鐺瀉頂聲淙淙雨牙鳥爪不易得碾雪恨無居士龐已見宣城謝公陋吟看遠岫通高窗 王令平山堂寄歐陽脩詩二首豁豁虛堂巧架成地相與遠山平橫巖積翠簷邊出度壠浮蒼瓦上生春入壺觴分蜀井風回談笑落蕪城謝公已去人懷想向此還留召伯名 廢苑繁華不可尋孤城西北路嶽崦簷邊月過峰巒頂柱下雲迴草樹陰賓客應隨千騎樂管絃風入萬家深知公白玉堂中夢未負當時壯觀心 王安石詩城北橫岡走翠虬一堂高視兩三州淮岑日對朱甍曲江岫雲齊碧瓦浮墟落耕桑公愷悌杯觴談笑客風流不知峴首登臨處壯觀當時有此不 李昭登平山堂詩斷檻欹簷風雨頻不逢心賞為重初依稀疊嶂宛如畫樵悴垂楊今復春一闋清詞長在耳後來佳客復何人悠然未盡雲烟思不見揚州十

里塵 蘇軾平山堂次王居卿祠部韻詩高會日
 陪山簡醉狂言屢發次公醒酒如人面天然白
 向吾曹分外青江上飛雲來北固檻前修竹憶南
 屏六朝興廢餘邱壘空使姦雄笑寧馨 轍等
 堂上平看江上山晴光千里對憑欄海門僅可一
 二數雲夢猶吞八九寬簷外小堂陰蔽芾壁間遺
 墨涕汎瀾人亡坐覺風流盡遺構仍須仔細觀
 秦觀次子由韻棟宇高開古寺間盡收佳處入雕
 欄山浮海上青螺遠天轉江南碧玉寬雨檻幽花
 滋淺淚風卮清酒漲微瀾遊人若論登臨美須作
 淮東第一觀 僧道潛平山堂觀雨午枕藜床夢
 忽驚柳邊雷送雨如傾蜀岡西望蕪城路銀竹森
 森十里橫 晁无咎詩蜀岡勢與蜀山通龍虎盤
 挈上紫空小語還憂驚太乙高堂原自在天中少
 師楊柳無遺跡承旨歌謠有舊風斜日蕪城有興
 感忘懷猶喜故人同 陳造詩平山堂上命琴樽
 前輩風流肯見分戀客懶斜當檻日藏山不斷隔
 江雲吟牋得意窺天巧醉面禁涼減纈紋杖策歸
 來新月上落梅如雪點風裘 張蘊平山堂弔古
 詩隔江山色畫圖中故址荒來與廟通畫地雄吞

淮海水占星高直斗牛宮試評蜀味長泉變欲唱
 歐詞古柳空往事茫茫增感慨聊憑戍卒指西東
 方岳詩不奈花時兩手閑共携詩硯對孱顏江
 南江北音書外春去春來楊柳間騎鶴重尋烟雨
 句征鴻欲沒夕陽山百年風物一杯酒歎息人間
 兩觸蠻 元趙訪詩虛堂眇平岡積翠凌天半彷彿
 識瑤臺熹微窺玉案頗疑巨靈力剗削非一旦
 森森古樹齊奕奕朝霞爛地近巘易陟池清蓮不
 蔓鶯啼午夢殘客至琴聲斷勝境契冲襟雅懷知
 弗畔翛然忘物我詎肯存崖岸馬迹遍幽燕華顛
 樂村閑居夸非矯曲悼猛得前筭就嶮世所趨樸
 淳日彫散跬步祝安危片言幾理亂苟得領斯會
 未覺身為患嘉謀諒貽厥豈曰誇殊觀 明袁宏
 道集平山堂詩大業空遺事披圖咫尺間斜橋興
 廢水淡墨有無山野老耕香澤妖狐學黛鬟荒亭
 猶故井馬上挈泉還 文徵明詩二首鶯花三月
 過維揚來上平山郭外堂江左繁華隋柳 淮
 形勝蜀岡長百年往事空回首千里歸人喜近鄉
 滿目廢興題不得晚風吹雨過雷塘 平山堂上
 草芊綿學士文章五百年往事難追嘉祐跡閒情

聊試大明泉隔江秀色千峯雨落日平林萬井烟
最是登臨易生感歸心遙落片帆前 國朝王士
祿詩平山樓閣說淮南想像風流向夕嵐 只有司
徒遺廟在石幢松火照深龕 王士徵詩 山寺
外柳如烟古寺同等第五泉風靜鐘聲臨岸曲雨
晴山色隔江天雷塘有徑生春草板渚無波作墓
田惆悵隋宮一彈指不如初地老棲禪 汪耀麟
詩興廢千秋指顧間仙翁勝蹟未全刪龍蛇無處
看題字烟雨依然在遠山六月荷花誰復折三春
楊柳尚堪攀臨風悵望曲江路不見扁舟載月還
史申義詩六一清風一瓣香平山勝處更名堂
江南山色何須道萬里巴巫繫蜀岡 郭元鈺詩
併曉進幽艇兼秋上古臺獨岡將樹去雙塔帶山
來愷澤看新穫謳吟得上才寺西遺墓在還用奠
茶杯 宋歐陽修平山堂中措詞平山闌檻倚
晴空山色有無中手種堂前楊柳別來幾度春風
文章太守揮毫萬字一飲千鍾行樂只須年少
尊前看取衰翁 蘇軾西江月詞三過平山堂下
半生彈指聲中十年不見老仙翁壁上龍蛇飛動
欲弔文章太守仍歌楊柳春風休言萬事轉頭

空未轉頭時皆夢 方岳水調歌頭詞秋雨一何
碧山色倚晴空江南江北愁思分付酒螺紅蘆葉
蓬舟千里菰菜蓴羹一夢無語寄歸鴻醉眼渺河
洛遺恨夕陽中 蘋洲外山欲暝歛眉峯人間俯
仰陳蹟歎息兩仙翁不見當時楊柳只是從前烟
雨磨滅幾英雄天地一孤嘯匹馬又西風 國朝
王士徵和朝中措詞平山堂外又東風寒食柳濛
濛欲訪歐公行處寒烟暮靄連空 仙翁已遠髯
公復去文筆誰工南望金焦兩點江天依舊飛鴻
曹爾堪朝中措詞平皋雁去草連空吳楚夕陽
中畫角吹殘古戍江南烟樹濛濛 凭闌浩歎蕪
城羅綺隋苑梧桐壁上龍蛇在否千秋長憶歐公
汪懋麟朝中措詞歐陽舊蹟已成空清磬暮雲
中當日烟花夜月而今禾黍秋風 山川無價文
章有主我輩情鍾再會堂前賓客新詞同和坡翁
華袞朝中措詞平山月映五泉空烟寺翠微中
重挂千條柳線新聞十里荷風 橫塘淮 妖
打漿紅袖擎鍾且按桃花歌扇由他白髮 妖翁

谷林堂在大明寺宋元祐中建見方輿勝覽

附錄 宋蘇軾谷林堂詩深谷下窈窕高林合扶疎
美哉新堂成及此秋風初我來適過雨物至

如娛予稚竹正可人霜節已專車老槐苦無賴風
花欲填渠山鴉爭呼號谿蟬獨清虛寄懷 生

得句幽夢餘古今正自同歲月何必書 孫觀不
林堂詩楚山多異材翠竹滿崖谷蕭蕭斤斧餘斬

伐同一束蕪城帶流水萬畝淇園綠遺苞駁雲錦
老節抱金玉歲時虎穴鄰舐掌方擇肉此君亡恙

否應坐
白眼俗

鎮淮堂

考證名勝志云揚州使宅舊有芍藥廳在都廳之

後向子固改名鎮淮堂

清晝堂

考證寶祐志云在縣治內宋嘉熙四年余晦建寶

祐三年淮東提刑洪燾加葺焉

觀稼堂 平野堂

考證名勝志云在北門外小金山宋寶祐間賈似

道即觀稼堂址建平野堂都人遊觀四時不絕

正覺堂

考證宋黃山谷外集云僧仁擇刻王荆公贈俞秀

老詩六篇於正覺堂中堂在禪智寺

康山草堂在新城內東南隅築土為山構堂其上

考證明正德中康海以救李夢陽交劉瑾 江職後

客揚州與客讌飲彈琵琶於此董其昌題之曰康

山草堂

附錄

明姚思孝詩康山一簣草萋萋無復家華似

許西猶有揚州舊時月翠禽飛上玉
國朝朱葵尊雪霽同周儀部對酒康山詩一簣
隅出千家雪後分江湖談往事絲竹老斯人不厭
尋幽晚惟應對酒頻寒梅意蕭瑟想見武功春
汪楫再登康山詩蒼茫烟徑挂藤蘿為愛秋晴兩
度過平野漸看黃葉少草堂依舊白雲多萬家畫
棟開朝日半壁高城壓大河漫說江南山色好揚
州市上有巖阿先著登康山詩高處來登暝不
還一邱標勝是康山帆檣隱隱城千雉烟火鱗鱗
屋萬間此地名存應客久當時官罷使身閒壯心
半落鷓鴣急似覺崆峒有厚顏程文正康山詩
烟景無多地蒼然曲徑間城邊原帶水屋裏自成
山代往人如在才高身早間琵琶聲已絕猶有客
躋攀吳綺康山艸堂小重山詞曲巷深藏別一
天艸堂栖燕子記當年振衣曾此望平川春帆過
葉葉帶炊烟牢落有前賢一杯埋照處弄
鷓鴣絃吾儕失意且流連平生事未許俗人傳

平野軒在揚州城郭外元倪瓚寫圖並系以詩見清閼

閣集

附錄

倪瓚詩雪筠霜木影參差平野風烟望遠
時回首十年吳苑夢揚州依約鬢成絲

居竹軒

考證元末成廷珪字原常隱居廣陵植竹於庭院

間因扁其燕息之所曰居竹軒

附錄

成廷珪詩定居人種竹居定竹
依人新笋甜于肉長竿健似身

崔氏別墅元末崔原亨所居在揚州城西

附錄

成廷珪詩居竹軒中也自寬不然無
玕支公胸次空千畝許洞門前只一天與

老夫醫惡俗日憑童子報平安崔
家別墅尤高致遲子歸來守歲寒

琴室 劉宋時徐湛之建

芝室

附錄

宋秦觀芝室記河南張倪老既以其父宣

舍遂與其弟曼老冲老廬於殯側數月有芝生於廬中余聞而謁觀焉蓋附土而出者數本其色正赤澤而堅悍若傅髹形余撫而歎曰天下之物固有未易詰其所以然者夫濡雨露而生被霜雪而死下芟而上蔓者草之常性也今芝亦草耳而孝士大夫之家則生賢諸侯之國則生明天子之世則生徙之不可蔣之不能豈所謂未易詰其所以然者歟有浮屠聞而笑之曰是不然天下之物皆吾心也心之本體明白空洞實無一毫可得而有惟其覺真蔽於塵幻由是清激而升者為想濁汚而墮者為情夫情想之於心猶珠鑑之有影像江海之有浪漚形固具存非其本矣故無窮如虛空有物如天地爰逮日月斗星金石草木之屬凡悅可於吾心意者皆善想之所變而憎惡於吾耳目

者皆惡情之所生也吾聞彭城君承其先夫人之凶五日而以毀死諸子廬於殯側刺血書經哀動道路善想交感室為生芝異於凡草理固然矣其又奚疑若夫善惡畢寂情想究空芝於此時瑞為何物已而歎曰竒哉吾不能以告子矣余未嘗讀佛書因不知所論中否然竊怪其語宏博環竒信有足觀者明年張氏兄弟服除而歸廣陵士大夫因號其廬曰芝室懼來者之不知也而囑余為記余既論次其事遂追疏浮屠之語而并載之倪老名康伯以召試中選今為南都教授曼老名節孫前參海寧軍冲老名康道云

董仲舒宅

考證方輿紀勝云宅古江都縣基也後改為軍寨

仲舒為江都王相居此至明洪武間為兩江鹽運

司署

附錄

明陸易董子宅詩董相千年宅
轆轤已無聲寂寞悲斷綆
趙詩一代

高賢宅惟餘井甃存晚
風吹蔓草猶似未窺園

孔融宅

考證唐李德裕金松賦序謂松得於廣陵孔北海
故臺賦內有云訪孔子之舊宅

謝安宅

呂僧珍宅

考證僧珍梁建武時人世居廣陵其宅前有督郵
解僧珍貴時人或勸其徙解以益宅僧珍不從明
萬曆縣志云舊傳宅在南兗州市北後莫考

來護兒宅

考證北史來護兒家廣陵住白土邨按白土邨在
府西十八里

淳于棼宅

考證唐李公佐南柯記云淳于棼家居廣陵郡東
十里宅南古槐一株夢槐安國王召尙金枝公主
大獵靈龜山出守南柯郡爵邑寵貴二十年及覺
乃悟入古槐蟻穴耳

附錄

宋陳造書南柯太守曲後二首門前
飛馳等是槐安未寤時何似阿憐歌此曲一
卮隨分得伸眉竹葉舟前客念家
如麻而今不笑檀槐戰笑汝研桑了歲華
國朝

宗觀詩紫衣綠鬢事如何滿眼豪華一沈也賺得
世人心力盡紛紛醒裏憶南柯 王守言沈醉何
因卧綠槐南柯領郡展雄才廿年仕宦身應老誰
識淳于一夢回 吳綺調醉落魄詞紫衣作赴
貂幾載槐安路無端失勢成驚寤許大功名一
搖秋露 飄零我亦揚州任南柯却恨無尋處當
時莫怪讒夫怒本是
螻蟻豈不將人妬

王播宅

考證江都地圖有王播宅在江中瓜洲上按播先
世太原人父恕為揚州倉曹叅軍遂家江都之瓜

洲

附錄

王播游瓜州故居感舊詩昔年獻賦去江涓
今日行春到却悲三徑僅存新竹樹四隣唯
見舊孫兒壁間猶記偷光處川上寧忘結網時更
見橋邊名字在始憐題柱免人嗤 李德裕和王

相公播游故居感舊時千騎風生大旆舒春江重
到武侯廬共懸龜印銜新綬回憶鱣庭訪舊居取
履橋邊啼鳥喚釣璜溪畔落花初今來却笑臨邛
客入蜀空馳使者車 許渾和淮南王相公與賓
僚同遊瓜洲別業題舊書齋詩碧油紅旆想青衿
積雪牕前盡日吟巢鶴去時雲樹老卧龍歸處石
潭深道旁苦李猶垂實城外甘棠已布
陰實御莫辭巖下醉武丁高枕待為霖

李相國藩宅

考證盧肇逸史云唐李相藩嘗寓東洛年近三十
未有宦名摯家往揚州居於參佐橋數年張建封
僕射鎮揚州奏藩為巡官校書郎

功曹王勣宅

考證乾闥子云唐建中三年揚府功曹王勣宅在

慶雲寺西有賣卜女巫包九娘者過之必口可賣此宅如言貨之得錢十五萬又令於河東僦一宅買竹作麤籠子不知其數明年春連帥陳少游築廣陵城取憩舊居僅給半價又賣運土竹籠計積資七八萬遂買河東宅焉

蕭慶中宅

考證唐盧仝蕭宅二三子贈荅詩序蕭才子修文行名聞將遷家於洛賣揚州宅未售玉川子客揚州羈旅識蕭遂館蕭未售之宅

崔秘監宅

附錄唐温庭筠過揚州崔秘監舊宅詩昔年曾識范安成松竹風姿鶴性情唯向舊山留月色偶聞幽澗似琴聲乘舟覓吏經輿縣為酒求官得步兵玉柄寂寥談客散卻尊池閣淚縱橫

顏太師猶子宅

考證唐李德裕金松賦序云廣陵東南有顏太師猶子故宅

楊行密故宅

考證寶祐志云堡城光孝院即楊行密故宅行密於光化間以宅施為僧院

徐知誥故第知誥為淮南節度行軍副使時所居後改為孝先寺

江都縣志 卷十二
張司空宅

考證稽神錄云揚吳張司空宅失其名在廣陵證聖寺之南

李評事宅

考證稽神錄云南唐李令評事築室於廣陵法雲寺之西爲終焉之計嘗夢束草加首口銜一刀兩手各持一刀入水而行意甚異之俄而孫儒部將李瓊屯兵法雲寺恒止李令家父事令及馬殷據湖南瓊強令俱往瓊爲桂管觀察使用令爲荔浦令則前夢之驗也

呂觀文惠卿宅

考證墨莊漫錄云揚州呂吉甫觀文宅乃晉鎮西將軍謝仁祖故宅也在唐爲法雲寺有雙檜存焉吉甫家居時檜尙依然按寶祐志云法雲寺後地爲呂吉甫宅則呂宅固卽法雲舊址但法雲寺皆傳爲太傅安宅此獨謂爲仁祖宅未知孰是

驃騎宅見元宋无揚州卽事詩注雁行樓下

附高歡宅辯

舊志有高歡宅北史齊神武在魏朝從爾不榮徙據并州抵揚州邑人龐蒼鷹家其母亦所止

團焦上赤氣屬天因厚遇之此舊志之誤引入古蹟也不知廣陵在宋齊俱屬南朝未嘗八北至北齊天保三年梁有侯景之亂文宣遣辛術南伐始得廣陵地改南兗州為東廣州亦未有揚州之名北魏揚州當在壽春非今廣陵也舊志考核未明今故不載

茶園

考證寰宇記云蜀岡有茶園上有時會堂春貢亭皆造茶所也

附錄

宋王禹偁揚州茶園十二韻勤王修歲貢晚駕過郊原蔽芾餘千本青葱共一園芽新攬

老葉土軟迸深根舌小伴黃雀毛獐摘綠猿出蒸香更別入焙火微温採近桐花節生無穀雨痕緘滕防遠道進獻趨頭番待破華胥夢先經閫闔門汲泉鳴玉甃開宴壓瑤罇茂育知天意甄收荷主恩沃心同直諫苦口數嘉言未復金鑿召年年奉至尊

朱氏園

考證宋王觀芍藥譜云揚州朱氏園芍藥最為冠絕南北二圃所種幾於五六萬本當花盛開飾亭宇以待來遊者逾月不厭

壺春園注具東酒庫下

附錄

國朝宗元鼎壺春園詩佳麗樓傳大巾東壺春園內落花紅歌等名蹟不知處多少啼鴉

古樹中

萬花園宋端平三年制使趙葵卽堡城統制行

附錄

宋宋伯仁維揚萬花園詩細柳營基頰綠苔萬花新種小池臺芙蓉喜見江南客故向西

風一夜開

元張翥秋日偕成居竹秦景桓同遊

萬花園詩九曲池平帶蜀岡吳公臺遠隔雷塘間

尋遺蹟懷千古迥立高邱望八荒黃落山川秋廣

大青冥風露日淒涼一尊不慰登臨地朔雁南雲

恨更

長

偕樂園在廣儲門外明萬曆二十年太守吳秀建在梅

花嶺之麓

影園明鄭元勳別業也崇徵庚辰夏園中開黃牡丹名

流滿座同賦七言律至數百首元勳糊名易書緘送錢

謙益評次以南海黎遂球所作十首爲第一元勳製二

觥內鑄黃牡丹狀元字以貽之

附錄

明萬時華寄題影園詩聞君卜築帶高城鷗地鳧天各性情畫裏垂楊兼水澹酒邊明月

爲樓生踏殘芳草前朝影吟落官梅獨夜聲一自

瓊花蕭索後此中花事屬康成梁于浹詩裁製

溪山愜野情小亭虛閣散餘清纔通漁艇疑仙路

深鎖丹樓望化城花鳥午莊憐獨往詩書鄴架笑

浮名閒居回首風塵裏愁殺江南阮步兵丁孕

乾詩秋氣遙生曲徑松溪橋課酒石留蹤傳更未

至魚先覺簡字雖勤雀易供三絕從來歸鄭子一

毛今復見超宗誰開水國經千里却借名園作附

庸 范景文立秋日過影園詩恰當勝地又佳時

暑去人來月與期空水亭爲開面目新秋柳亦競

腰肢園摹畫格形生影妙解歌情肉竝絲囑語蕭

蕭翻別調登臨無事更傷離黎遂球影園黃牡丹

詩十首一朵巫雲夜色祥三千叢裏語君王月

華照露凝仙掌粉汗更衣染御香舞傍錦屏紛孔

雀睡搖金鎖對鴛鴦何人見夢矜男寵二應憐

國后粧 官額亭亭廿四橋披離新柳亂朝柘

枝拍待鶯喉轉杏子衫勾蝶翅消酒半倚浮瓊
 珀風前騎雀報笙簫婦娥桂殿堪同仲夏還從
 覓阿嬌寵詔封泥第一枝賜袍簾外拜心時春
 風律應清平調夜雨香留絕妙詞天上有機遙織
 譜河陽無影謝流澌金疊玉瓚交攜醉任是蜂狂
 總未知特買長門作賦才守宮砂盡故徘徊燕
 銜落藥塗金屋鳳蝕殘釵化寶胎三月繁華春夢
 熟六朝芳草暮霞堆上尊今賜詞臣閣邀賞猶傳
 八駿來梔子同心綴纈斜融融宵露濕塗鴉潘
 郎奇署迷新省姚姒閒粧見舊家解佩臨風疑橘
 柚鬱輪凝碧怨琵琶微瑕別有閒情賦猶記秋容
 認菊花掖庭昏靄怨春歸疊拍匡牀悵望稀窺
 浴轉愁金照眼割盟須記藉留衣梳成墮馬泥拖
 障夢起微蘭粉更肥誰借橘媒生羽翼可憐鴻鵠
 已高飛花陣縱橫紫翠重木蘭金甲繡盤龍團
 圓月照蓮心苦廿四風圍柳帶鬆涿鹿戰塲雲結
 幟穀城兵法怒蟠胸嬌嬈亦有王侯骨一笑功成
 學赤松誰寫春容出塞看塵沙漠漠照襟寒扶
 來更學靈妃步睡起羞為道士冠鎖骨傳燈開五
 葉鞠衣持繭獻三盤相思莫是朱成碧燭淚何曾

蠟暈乾 惟悴西風夢不成娉婷相見在春城歡
 場九錫傳花瑞隱語雙文贈烏名寶鏡背懸交吐
 焰索鈴初護盡無聲看多怕有香塵上出浴依然
 媚晚晴天寶何因為改元尚憐芳影浸泉温不
 同金鑑留丞相多恐玉環蒙至尊朱紫故宣當日
 賤衣裳能得幾時恩揚州芍藥看前事勲業綸扉
 并爾存

郡圃

考證寶祐志畧云唐開元間揚州太守園中有杏

數十暇時開大宴立館曰爭春元和中李夸簡於

城之西南建亭曰玉鈞咸通中李蔚鎮淮海於戲

馬臺西連玉鈞斜道葺亭曰賞心以為勝好之地

宋元祐間韓琦於郡圃建堂曰四并

陳升之又建雲山閣於城之西北隅地淳熙間鄭興裔撒玉鈞亭增而大之命名雲山觀慶元中趙鞏始以杏花村重建堂取韓公舊名扁之而後之刺是州者率以邊務倥傯廢而不理如柳徑菊坡靜境皆無復存寶祐二年大使賈似道鎮淮之五年邊鄙不聳增陴浚隍靡一不具乃以餘力復雲山觀於小金山初教場倚山之右狹隘不足以展軍容因徙置州治之北以便日閱而雲山觀之規始不相病自州宅之東歷繚墻入可百步有二亭東曰翠陰西曰雪薌直北有淮南道院後

爲兩廡通竹西精舍焉後有小阜曰梅坡上葺茅

爲亭曰詩興坡之東北隅有亭曰友山循曲徑而

東望飛簷雕檻縹渺於高阜之巔是爲雲山觀卽環

碧亭舊址於池上爲露橋以度橋之北翼以亭曰依綠

南有小亭對立曰絃風曰蕭月又百餘步始躡危

級而登雲山其下爲沼深廣可舟山之趾二亭曰

濠想曰剡興釣磯在其南砌臺在其北水之外爲

長隄朱闌相映夾以垂柳閣於南爲面山亭於東

曰留春曰好音於西曰玉鈞曰駐屐觀之且北盡

棟層出者爲淮海堂其東鉅竹森然古蹟志曰

對鶴又東有道院曰半閒堂堂之後為台而升

與雲山並峙可以眺遠者為平野堂即觀春台

卉木競發揚之遊觀者不禁春盡乃止又名勝志

云宋慶曆初有郡丞刁君者於郡圃構新園亭王

安石為之記

附錄宋王安石揚州新園亭記諸侯宮室臺榭講

處制度狹庠軍實不講俎豆無以容不以偏諸侯

也今太常刁君實集其意會公去鎮鄆君即而考

之占府乾隅夸第而基因城而垣並垣而溝周六

百步竹萬個覆其上故高亭在垣東南循而西三

十軌作堂曰愛思道僚吏之不忘宋公也堂南北

鄉袤八筵廣六筵直北為射均列樹八百本以翼

其旁賓至而享吏休而宴於是乎在又循而西十

有二軌作亭曰隸武南北鄉袤四筵廣如之埒如

堂列樹以鄉歲時教士戰射坐作之法於是乎在

始慶曆二年十二月某日凡若干日卒功云初宋

公之政務不煩其民是役也力出於兵財資於官

之饒地瞰於公宮之隙成公志也噫揚之物與監

東南所規仰天子宰相所垂意而選繼乎宜有若

宋公者丞平宜有若刁君

者金石可弊此無廢也

縣圃

考證寶祐志云在縣治內董公堂之西有堂曰清

畫蓋效郡圃為之

芍藥圃

考證名勝志云圃在禪智寺前又揚州使毛有芍

藥廳宋向子固建芍藥壇郭杲建按圖觀孔

武仲艾丑各有譜孔譜云韓魏公琦守信州值郡
圃芍藥盛開忽於叢中得黃綠稜者四朶工人
為金繫腰云數十年間或有一二不常見也乃今
開宴時王岐公珪為監郡王荆公安石為幕官尚
缺一客忽傳陳秀公升之初授衛尉丞經過急召
同賞各簪其一此四公者相繼登宰輔花兆之矣
又東坡志林云揚州芍藥為天下冠蔡繁卿為守
始作萬花會歲聚絕品十餘萬枝於廳事燕賞旬
日既殘乃歸各園

附錄

明歐大任芍藥圃詩萬朵錦雲新天涯贈美人誰知江上色却掩洛陽春 國朝吳綺調

醉花陰詞禪智山光花市曾把繁華記金帶為誰圍
人使花靈花豈能為瑞 玉盞珠綴香風膩有酒
惟須醉我為欲留春醉
酒酬花花酒同婪尾

冢墓附

盤古冢

考證宋九域志明一統志及王在晉歷代山陵考
竝云盤古冢在揚州府城西四十里冢上有廟任
昉述異記南海有盤古氏墓俗云後人追葬盤古
之魂也則盤古冢非止一處蓋不忘生人之始爾

漢廣陵厲王胥冢

考證寶祐志云在東武鄉即今甘泉山志云

漢廣陵厲王家歲旱鳴鼓遶之輒致云司水卿
集云揚州地名甘泉有大冢土人呼為琉璃王冢
卽廣陵厲王胥冢琉璃王者劉厲王之譌也

漢江都王建冢

考證幽明錄云廣陵有冢相傳為漢江都王建之
墓

漢孔融墓

考證寰宇記云孔融墓在高士坊西北去州九里
按融本傳融為曹操令路粹枉狀所奏被收許下
江都有墓未知何據

附錄

國朝汪楫詩破產援張儉全家殉
稱衡一從胎習死無復天荒瑩

魏張遼墓在大儀鄉遼南伐歿於軍因留葬此神僧傳
云在華林寺內

古冢

考證抱朴子云吳景帝時戍將於廣陵掘諸冢石
以治城後發一大家內有重閣戶扇皆樞轉可開
閉四週為徼道通車其高可以乘馬又有銅人數
十杖長五尺皆大冠執劔列侍靈座背上或刻殿
中將軍或刻侍郎常侍似王公之冢破其棺中百
人髮已班白衣冠鮮明面體如生棺厚尺

許以白璧二十枚藉屍兵人共舉屍
長尺許形似冬瓜從懷中墜地兩耳及鼻孔皆
黃金如棗許大

黃公冢

考證劉敬叔異苑廣陵郡界有黃公冢高墳二所
前有一井面廣數尺每旱不竭有人於其中得銅
釜及罐各一又云江都郡東界有黃公墳二所陰
天恒聞有鞞角之聲

齊褚澄墓

考證冢記云齊褚澄用石十八片爲槨上刻所著

修養醫方題曰有齊褚澄所歸後冢發爲蕭廣得
之遺命其子淵復爲槨用石一片刻前書其上葬
於廣陵城北三十五里陳源橋後亦被發書傳於
世

隋煬帝墓在府城西北十五里雷塘側

考證隋末陳稜守江都略備儀衛葬煬帝吳公臺
下唐平河南之後移葬雷塘齊王暕趙王杲燕王
倓俱葬焉貞觀二十二年太宗詔復蕭后位號使
護送至江都合葬又康海武功志云縣西有煬帝
冢唐武德三年高祖葬煬帝於此未詳

隋書爲的

隋蔡王家

考證舊志云隋景王家在東興鄉煬帝子也按北史隋宗室諸王傳煬帝三男元德太子服齊王暕趙王杲並無他子封景王者惟文帝之次弟整追封蔡王謚曰景卒于文帝未受禪之前並未及從煬帝巡幸也整有子智積襲封蔡大業中拜宗正卿從駕廣陵而歿史無謚號則此墓于東興鄉者應是蔡王智積而非景王更非煬帝子也舊志當誤今訂正之

玉鈞斜在縣西吳公臺下一名宮人斜乃隋墓宮人處

附錄

明張士行玉鈞斜詩右屯將軍猛於虎十二離宮罷歌舞宮中佳麗三千人半作玉鈞斜

上土秋風蕭蕭秋雨寒翠襦零落金鈿殘豈知後來好事者重構華亭宿草間庭前往來車馬集魚龍爛漫無人識閒街屈律玉環分香逕縈紆寶釵出遊人歌舞暮不歸青山落日爭光輝香魂寂寞無招處化作鴛鴦陌上飛只今往事皆沉沒空見原頭土花碧耕夫拾得鳳凰簪猶是蕭娘舊時物野棠花開春日西蝴蝶雙飛鶯亂啼道旁芳草年年合常與行人送馬啼徐桂詩命薄俄辭輦恩深敢望家君王埋骨處猶傍玉鈞斜國朝彭孫通詩高柳平田噪暮鴉相傳此是玉鈞斜年年寒食多風雨落盡棠梨幾樹花何嘉延詩宮人斜畔暮啼烏市上曾看金盃無十六院中歌舞地只今春雨長藤蕪夏九叙詩君不見隋家阿廢好遊遊金輿翠輦來揚州剝盡黃金飾宮殿如花嬪居上頭鏡光出匣橫秋水裙袂凌風飛娛未盡簫聲空無數蛾眉此土死吁

人田昔日天子宮雙犁耕出玉釵碎
朱顏紅日落行人空悵望老鴉枯樹號

桃花墓寰宇記云在縣南桃花岡

唐尉遲將軍恭墓

考證新唐書尉遲敬德本傳名恭以字行封吳國公改封鄂國公顯慶三年卒冊封司徒并州都督謚曰忠武給班劍羽葆鼓吹陪葬昭陵按此則恭墓何得在江都而明府縣志俱云在縣之永貞鄉且不言封謚第曰將軍均不可考

唐叅軍皇甫弼墓

考證唐羊士諤撰弼墓志云以婺州叅軍窆於江

都之郊

唐丞相王播墓在江都官河東劉氏竹園東南隅

唐淳于芬墓相傳在蜀岡之北俗呼為南柯太守墓

唐宋縮墓

考證明萬曆間浚沙河其下得敗舟有墓石志縮廣平人以唐太和二年暴卒於江都會同坊私第次年殯於江陽縣絃歌坊之平原里夫人張氏祔焉

崇夫人墓

考證鄭文寶南唐近事云保大中廣陵

及古冢得石誌一片云日為箭兮月為

人兮無窮但得天將明月化不覺人隨流水空

水秀兮碧窮窿崇夫人墓兮直其中猿啼鳥嘯烟

濛濛千年萬年松栢風或云是李白之詞

五代吳朱將軍瑾墓

考證朱瑾本傳瑾名重江淮人畏之其死也徐知

誥尸之廣陵北門路人私共瘞之時民多病瘧取

其墳上土以水服之輒愈更益新土漸成高冢徐

溫惡之發其尸投於雷公塘後溫病夢瑾挽弓射

之溫懼網其骨葬塘側

南唐通事舍人王慎辭墓

考證稽神錄云南唐通事舍人王慎辭有別業在

廣陵西慎辭嘗與親友宴遊其上一日忽自愛其

岡阜之勢歎曰我死必葬於此是夜村中聞犬吠

或起視之見慎辭獨騎徘徊於此逼而視之遂不

見自是夜夜恒至月餘慎辭卒竟葬其地

南唐泰州刺史陶敬宣墓

考證敬宣字文褒其先尋陽人徙合肥歿葬江都

縣徐鉉為誌銘

宋侍讀呂文仲墓在縣東十里見舊志未詳

宋秘書陳良墓在興寧鄉

宋尚書屯田員外郎周濤墓在同軌南鄉東武里

附錄

王安石墓誌銘君周姓諱濤字幾道中慶曆六年進士甲科歷亳州觀察推官撫州軍事

推官著作佐郎秘書丞太常博士尚書屯田員外郎知汝州梁杭州錢塘二縣內行敏能為政壹自急飭視民疾如在己不肯釋事實為名聲要利所在民愛譽甚於士大夫治平三年六月在京師授簽書梓州判官事七月十三日以官卒年四十有四曾祖諱述故野人皇秘書丞贈工部侍郎始占海陵以葬祖諱嘉正皇刑部郎中父諱彥先終右侍禁贈右監門衛將軍妻曰昭德縣君錢氏子男五人穉種秩穆祿以其年十月十六日葬君揚州江都縣同軌南鄉東武里銘曰於勢與聲躡循弗爭無忌其生於善與耻操終知始有哀其死

宋國子博士李問墓

附錄

王安石墓誌銘朝奉郎國子博士致仕騎都尉賜緋魚袋廣陵李君者諱問字某以數舉

進士賜同學究出身嘗為韶州樂昌無為軍廬江二縣主簿河中府臨晉縣令以昭德軍節度推官知邢州平鄉縣以大理寺丞知蘇州吳江衢州江山二縣又以太子中舍殿中丞監在京箔場太平州蕪湖縣酒稅遂告老會今上即位遷博士至明年而卒又明年十二月二十五日葬廣陵某鄉某里君善為詩嘗時名人柳開王禹偁稱之少貧幾不自存有姊氏以田宅弗取也及為吏所在推誠愛人人至不忍有所負以累君去輒遮泣挽留及老矣而彌貧然終不以貧故變節有所取年九十精悍如此及將卒尚讀書與家人笑語自若投其書若將寐者遂卒卒時治平元年十一月十一日也李氏故金陵人其後遷高郵又遷廣陵君曾祖諱某祖諱某考諱某以君故贈殿中丞君娶開封浩氏有兩男子察山南東道節度推官蚤卒定集慶軍節度推官一女嫁杭州新城縣令許仲蒨有文行從余遊故與為銘銘曰斬曠平空相方史諏日於惟君考此室猶其永

系志

卷十二 古蹟志

三

宋殿中丞楊公適墓在東興鄉

附錄

王安石墓誌銘楊氏自太尉震守節於漢

年以至於今不絕焉為士大夫家而尚能譜太尉之昭穆當五代之亂君曾祖諱某者在吳越因相其王王遷國除於太宗之時而國相之子孫歸仕於天子又多賢顯尚書刑部郎中諱某者君皇祖也尚書司封郎中諱某者君皇考也楊氏之為江都人者自君皇考始君諱某字公適幼詳敏知好文學故我叔祖興元府君嫁之以其子及長而仕號為能吏所在官治多舉者自太廟齋郎更九官而以殿中丞知興元府成固縣事治平元年歸得疾於楚州二月二十一日卒年六十五夫人王氏即興元府君尚書主客郎中諱某之女五男子湜洙治滌淳湜宿州符離縣尉餘皆進士洙治前死四女子其已嫁者二人太常少卿呂壽試將作監主簿孫縉者君壻也其一人未嫁而前死諸子孫以二年十一月四日葬君江都東興鄉之北原以某嘗得侍君而君知之於少時者也故屬以銘銘

曰赫赫太尉窮於季世華陰之楊終塌而昌艱難徂遷亦相其王王以家朝相隨內屬有子有姓尚多顯服君勵厥紹考終世祿書銘在京兆實初卜

宋轉運使蘇安世墓在東興寧鄉馬坊村

附錄

王安石墓誌銘慶曆五年河北都轉運使龍圖閣直學士信都歐陽修以言事切直為權

貴人所怒因其孤甥女子有獄誣以姦利事天子使三司司戶部判官太常博士武功蘇君與中貴人雜治當是時權貴人連內外諸怨惡修者為惡言欲傾修銳甚天下汹汹必修不能自脫蘇君卒白上曰修無罪言者誣之耳於是權貴人大怒誣君以不直紕使為殿中丞泰州監稅然天子遂寤言者不得意而修等皆無恙蘇君以此名聞天下嗟乎以忠為不忠而修等皆無恙蘇君以此名聞天下嗟古之陷此者相隨屬以有左右之讒而無加蘇君之寂是以卒至於敗亡而不寤然則蘇君一勳功於天下豈小也哉蘇君既出逐權貴幾五年之間再赦而君六徙東西南

輒萬里其心恬然無有怨悔遇事強
 蓋孔子所謂剛者殆蘇君乎蘇君之仁
 足稱者嘗通判陝府當葛懷敏之敗邊告急
 使使取道路戍還之卒再戍儀渭於是延州還者
 千人至陝聞再戍大恐即謹聚謀為變吏曰閉城
 而以便宜還使者戍卒喜曰微蘇君吾不得生陝
 人亦曰微蘇君吾其掠死矣有令刺陝西之民以
 為兵敢亡者死既而亡者得有司治之以死君輒
 縱去而言上曰令民以死者為事不集也事集矣
 亡者猶不赦恐其眾相率而為盜惟朝廷幸哀憐
 愚民使得自反天子以君言為然而三十州之亡
 者皆不死其後知坊州州稅賦之無歸者里正代
 為之輸歲幣大家數十君悉鈎治使歸其主坊人
 不憂為里正自蘇君始也蘇君諱安世字夢得其
 先武功人後徙蜀蜀亡歸家於京師今開封人也
 會大考諱進之率府副率大考諱繼殿直考諱咸
 熙贈都官郎中君以進士起家三十二年其卒年
 五十九為廣西轉運使而官止於尚書屯田員外
 郎者以君十五年不求磨勘也君娶南陽郭氏又

娶清河張氏為清河縣君子台文永州推官祥文
 太廟齋郎炳文試將作監主簿彥文未仕女子五
 人適進士會稽江崧單州魚臺縣尉江山趙揚三
 人尚幼君既卒之三年嘉祐二年十月庚午其子
 葬君揚州之江都東興寧鄉馬坊村而太常博士
 知當州軍州事臨川王某為銘曰皇有四極周綏
 以福使維蘇君莫我南服亢亢蘇君不園其方不
 晦其明君子之剛其枉在人我得吾直誰懟誰慍
 祇夫之役日月有邱其下
 冥冥昭君無窮安石之銘

宋聲隅先生墓在楊子橋墓寓客黃晞詳祠記

宋殿中丞王君墓在東興寧鄉馬坊村

附錄 曾鞏墓誌銘君諱某字某其先琅邪人嘗徙
 家於蜀至君之考又徙家於揚故今為揚之

江都人曾祖諱錫祖諱得中為真定府獲鹿縣令
 贈尚書刑部侍郎考諱汝能為尚書都官郎中
 尚書工部侍郎君少以父仕為太廟齋郎
 不忍一日去左右至卒喪年已四十

劍州司戶叅軍歷監劍州銀銅場和
 用薦者監穎州稅去為越州山陰縣尉
 叅軍隨州唐城縣令其為銀銅場治者復業而
 課大溢為尉能發奸偷為錄事能治獄不撓為令
 能有惠愛於人其試於事者如此其為人居家孝
 友遇人和易質厚不為聰明機巧以譁世動俗故
 知之者少而君亦自若也至年七十遂上書還政
 遷太子中舍今上即位恩遷殿中丞賜緋衣銀魚
 卒於熙寧五年之五月甲辰年七十有七以其年
 十月乙酉葬於江都之東興寧鄉馬坊里以其配
 永嘉縣君周氏祔有子二人曰幾大理寺丞曰深
 潤州丹徒縣主簿皆有文行能世其家有女一人
 嫁陸氏有孫男二人孫女二人尚幼也寺丞娶余
 之仲妹以書來乞君之墓銘余不能辭也銘曰養
 心以和動已以直不為世巧安於自得顯
 不在躬實詒爾子欲鴻厥聲勒銘於此

宋殿中丞徐元瑜墓

附錄 曾鞏墓誌銘唐之亡疆者分其地為國以十
 數楊行密有淮南稱吳海州人徐温為吳將

有功行密死三子相次立温用事貴顯温死其養
 子知誥遂代楊氏盡有江淮之地稱唐去温所與
 為姓名者姓李氏名昇温已子知諫事昇為將死
 昇追以為中書令臨淄王知諫子遜事昇子璟為
 中書侍郎上饒郡公遜子徐君事璟子煜為其秘
 書郎賜緋魚袋宋既受命平天下俘李氏以歸徐
 君亦隨之京師得為太常寺大祝不樂棄官歸江
 南久之為殿中丞監揚州稅以死子天錫為秘書
 丞亦死女四人其第二女與季皆嫁呂氏徐君死
 祥符間後四十餘年嫁呂氏女有子倚始葬徐君
 與徐君之母李氏妻陸氏於揚州之某原方徐氏
 之先與楊氏俱起東南收其土地而有之遭行密
 子弱徐氏實任其國至昇遂代吳而徐氏子孫亦
 皆據士民之上有王公之勢遂於其一時富貴之
 際豈非盛哉百年之後其世凌遲至於徐君遂死而
 無以葬於異姓之孫盛衰之變何其速也然自
 前世無不皆若此富貴之不可以久恃亦何必異
 也而世之不安其命者方枉義挈挈以覬幸其
 得之者又惴惴恐失之是真可以常處也
 南之地既入於有司天子憐士民許

所有地徐君之地為尤多多不取有
 以賣之者亦不問是以其貧甚而徐君
 君諱元禴字仙材好學善屬文吏部賈黃中嘗
 其書判曰元白不足多也尤能詩詩數百篇號南
 歸集大抵多慨其不得志徐君之所以自見也嫁
 呂氏女之夫名某憐徐君之死無以葬死以屬其
 子倚倚貧甚能自力卒葬徐君而就其父志銘曰
 富吾不爭可謂既好之貧吾不懟可謂又安之諧
 歸此邱女子之為永
 昭厥聲維此銘詩

宋忠肅陳瓘墓

考證瓘字瑩中南劍州沙縣人元祐間嘗監揚州
 糧料院後以司諫極論蔡京安置通州再移台州
 卒葬於揚州之西山

宋龍圖孫覺墓在善應鄉

考證覺高郵人仕宋神宗哲宗皆持正不阿執政
 後列名元祐黨籍卒葬江都

宋直秘閣王俊義墓在善應鄉

考證俊義其先如臯人宋徽宗親程其文擢為第
 一蔡京邀見之不往又嘗首建正論於宣和間卒

葬江都

宋秘書丞知寶應縣徐天錫墓

考證王令墓誌銘稱天錫為吳忠武王溫之後令
 寶應歲饑大疫募民出米為餽粥以食民聚醫
 以治病身行民間竟卒以疫葬江都

宋端明秦定墓在西山秦家莊定高郵人

宋光祿卿陳亞墓在同軌鄉

宋樞密張康國墓在東興鄉

宋萬壽令張斯立墓

考證斯立字挺卿揚州人葬蜀岡之南馬家原見

蘇頌墓誌銘斯立妻卽頌妹也祔於原

宋揚州進士滿夫人楊氏墓在馬坊里南原

附錄

王安石墓誌銘揚州進士滿涇之夫人楊氏者著作元賓之女也年六十有一以治平四

年十月庚戌卒而以熙寧二年八月庚申葬其墓在江都縣馬坊里之南原有子七人建中居中執中存中方中閣中求中皆嚮學建中壽州壽春縣令執中潁州萬壽縣令居中舉進士女二人孫男

女八人夫人性溫恭靜約事當意與否未嘗形於喜愠以止有吾母也故思其父愈久而猶悲以不逮吾姑也故事其舅愈勞而不解承其夫以順勵其子以善而況接於族人也又能以惠振其貧以慈撫其賤以恕掩其過以篤俊其悍老矣歲時尚先諸婦以莅祭祀蓋夫人之性行可稱者多至如此而其子又狼狽不已以求余銘故勉為之銘曰滿氏有家保族衍大夫夫人來嬪德協內外夫喜而謂偕我鮒背子祈以盡溫清之愛奚命之畸使棄弗逮維前之祥德則弗諼惟後之祥有子財賢銘慰諸幽亦資新阡

宋仙源縣君曾氏墓在東興寧鄉

附錄

曾鞏墓誌銘吾妹十人其一蚤夭吾既孤而貧有妹九人皆未嫁大懼失其時又懼不得

其所歸賴先人遺休嫁之皆以時所嫁之者皆良士謂宜皆壽而昌以延光榮於父母家也而十年間死者四人先人之盛德也吾妹之章顯於世而夭吾故不知夫哭之

字淑文者吾之第九妹也嫁江都王
贈尚書屯田員外郎諱某之子婦殿中
封仙源縣君爲人柔嫻靜頴動止以儀度居
溫一言笑不妄也與人羣居自處者常取其後
人共衣食自與者常取其薄王氏故貧垢衣菲食
未嘗以爲歉恭大慈小輔其夫以義無不得其宜
者不幸年三十有一以死有子男二人曰某曰某
女二人皆幼也會氏其先魯人今家建昌軍之南
豐吾妹爲尚書戶部郎中直史館贈右諫議大夫
諱某之孫女太常博士贈尚書都官郎中諱某之
女卒於熙寧七年三月庚子葬於揚州江都縣東
興鄉元豐四年某月某甲子也銘曰旣艱其生又
不介之壽維篤於
仁尚克臧厥後

宋胡瑗配趙夫人墓在嘉寧鄉

宋彭城縣君錢氏墓在東興鄉馮家原錢氏利州轉運
判官張翊妻見蘇頌墓誌銘

宋叢冢宋志紹興辛巳金人犯瓜洲歿於鋒鏑踐蹂者
遺骸暴露江次紹興三十二年知揚州向子固令收葬
之名曰叢冢後江水衝齧淳熙二年知州呂企中命主
簿收得骸骨三百六十具遷瘞於旌忠廟側傍曰叢冢
元總管陳允忠墓在姚家沙大岸有廟今圯
明諭葬夏國公顧成墓在縣東南三里官河岸墓鎮遠
侯顧成也

考證明名山藏吾學編列傳藁皆云鎮遠侯顧成

江都人卒於永樂十六年年八十五追贈夏國公
獨玉堂漫筆云夏乃夏字音虔土人譌

墓鎮遠侯顧玉歷考明初勲臣內並無

而漫筆所載玉事功生卒又皆與成無異則額

當誤但舊府志武勲傳亦謂成封乾國康熙字典

補遺夏字註云其年切音虔見玉堂漫筆又云瑯

琊代醉編揚州漕河東岸有墓道題曰夏國公蓋

鎮遠侯顧成之賜墓據此則夏亦夏字是字典固

未以音虔之說為確第不知舊志何以謂成封乾

國適與虔字之音相似也附此以俟考訂

明禮部侍郎邱民墓在禪智寺前

明定西侯蔣雲墓在金匱山雲正統間勲臣貴之父也

以貴功封如其爵

明諭墓宮保尙書高銓墓在縣西十里仙人掌以其地

形似掌故名大學士李東陽為之表相傳其下為宋秦

觀窆

明諭墓尙書王軌墓在雷塘

明副使趙鶴墓在瓜洲

明南京光祿卿安金墓在城西十里萬松庵

明諭墓侍郎葉相墓在北門外

附錄

國朝李國宋葉公墓下桃花歌葉公墓下花

知何人手所樹林邊車馬日紛紛東風吹口

茵居人指點花飛處猶是當年歌舞

人事變繁華消息誰能見紫陌黃沙
 白骨埋荒甸此花何日種初成此地何人
 社前歸燕空思主柳外啼鳥繞向城可憐十
 山土人間更作桃花圃畫樂晴搖素舸郎香
 度紅粧女桃根桃葉怨芳菲盛衰須有古所
 酒不向花間醉朱顏豈得常相隨君不見莎
 年北却路牛羊
 來上葉公墓

明諭葬太僕寺卿盛儀墓在禪智寺左翁仲石馬尚存

明世襲錦衣衛指揮使張恒墓在城西北善應鄉法海

寺側

明協理戎政兵部右侍郎蔣應奎墓在馬鞍山

明諭葬太師謚文定李春芳墓在城西二十里弘恩寺

側春方興化人葬於江都

明諭葬總制三邊都御史謚襄愍曾銑墓在縣西金匱

山隆慶中給事中辛自修御史張好問疏銑冤賜祭葬

明贈工部主事宗伊墓在南門外寶帶河北岸府志云

萬曆間工部主事宗名世葬父於此

明諭葬贈太僕寺少卿謚忠節郝景春墓在城西金匱

山景春殉難遺骸葬湖廣之房邑此葬衣冠處也

明閣部史可法墓在廣儲門外梅花嶺其養子得威招

魂葬衣冠於此

明世襲勲衛顧大猷墓在笱籬灣錢謙益詩云笱

畔孤墳在萬點寒鴉送落暉

西域僧補好丁墓見明萬曆陸志在大東門
之東補好丁以游方至廣陵卒葬於此

秦九女冢見明萬曆陸志在城西北三十里俗呼九女
澗以冢在澗側故也

明喬貞女墓在鐵佛寺前

明鄭烈婦墓在城南新河口

國朝諭葬沙縣令贈僉事董潏墓在甘泉山

諭葬少傅將軍楊捷墓在翁家山

孝子蕭日曠墓在梅花嶺下其妻俞氏祔葬以節婦旌
表建坊於墓

宗母陳氏墓在宜陵鎮南十二里東原芙蓉墅之左陳

氏明永平同知輔堯之女宗元鼎之母

池烈女墓在平山堂側

霍烈女墓在平山堂側

裔烈婦墓在平山堂之右墓有坊表碑誌

項烈婦墓在平山堂東烈婦姓程氏知縣王元穉立碑

史孝婦王氏墓在鐵佛寺西巡撫張伯行題旌

附七姬冢辯

舊志揚州有七姬墓按七姬者張士誠壻右丞

元紹之妾翟氏程氏徐氏羅氏卞氏彭氏

吳元年丁未夏六月常開平圍蘇州元

七姬令自引決七人相繼自縊元紹歛而焚

其骨瘞後園張羽作七姬權厝志高啓弔七姬詩

皆云在蘇州舊府志載入江都當因翟氏江都人

故誤爾

論曰揚州稱東南奧區依古以來名蹟夥著江都
附郭邑郡之勝槩亦得爲所有焉此古蹟之所由
志也夫古何以有蹟蹟者履之所出舍蹟誠無以
考古然古則往矣其以人之傑增地之靈者維邑
之君子實有賴焉寧敝敝然唯其蹟之是求遂謂

得流風餘韻乎哉至冢墓之附中野陳根其亦何
關古蹟之有要其人有不可泯滅者後人每得於
苔基榛隴之間深歔慕焉則亦因而存之以備感
興之一助爾

